

መልእክተ ፡ ጳውሎስ ፡ ኅበ ፡ ሰብእ ፡ ገላትያ ።

ምዕራፍ ፡ ፩ ፤

ሸ ፡ ጳውሎስ ፡ ሐዋርያ ፡ ዘኢኮነ ፡ በእንተ ፡ ሰብእ ፡ ወኢኮነ ፡ እምኅበ ፡
 ሸ ፡ ሰብእ ፡ ዘእንበለ ፡ በእግዚእነ ፡ ኢየሱስ ፡ ክርስቶስ ፡ ወእግዚአብሔር ፡ አ
 ብ ፡ ዘእንሥኦ ፡ እሙታን ። ወኸሎሙ ፡ አኅዊነ ፡ እለ ፡ ምስሌየ ፡ ለቤተ ፡
 ዩ ፡ ክርስቲያን ፡ ዘገላትያ ። ሰላም ፡ ለክሙ ፡ ወጸጋ ፡ እግዚአብሔር ፡ አቡነ ፡
 ፱ ፡ ወእግዚእነ ፡ ኢየሱስ ፡ ክርስቶስ ። ዘመጠወ ፡ ርእሶ ፡ በእንተ ፡ ኃጢአትነ ፡
 ከመ ፡ ያድኅነነ ፡ እምዝንቱ ፡ ዓለም ፡ ዘይትቃወም ፡ በእኮይ ፡ በፈቃድ ፡ እ
 ፳ ፡ ግዚአብሔር ፡ አቡነ ። ዘሎቱ ፡ ስብሐት ፡ ለዓለመ ፡ ዓለም ፡ አሜን ።
 ፳ ፡ አነክረክሙ ፡ እር ፡ ከመዝ ፡ ፍጡነ ፡ ትፈልሱ ፡ እምዘጸውዐክሙ ፡ በጸጋ
 ፳ ፡ ሁ ፡ ለክርስቶስ ፡ ውስተ ፡ ካልእ ፡ ትምህርት ። ዘኢኮነ ፡ ህልወ ፡ ዘእንበለ ፡
 ፳ ፡ ዘየሀውኩክሙ ፡ ወይፈቅዱ ፡ ይዕልጢ ፡ ትምህርቶ ፡ ለክርስቶስ ። ወበሕ
 ቱ ፡ አንትሙሰ ፡ መልእክ ፡ እምሰማይ ፡ ለእመ ፡ መሀረክሙ ፡ ካልአ ፡ እም
 ፱ ፡ ዘ ፡ መሀርናክሙ ፡ ውጉዝ ፡ ለይኩን ። በከመ ፡ እቤ ፡ ቀዳሚ ፡ ወይእዜኒ ፡
 ካዕበ ፡ እብል ፡ ለእመገ ፡ ዘመሀረክሙ ፡ ካልአ ፡ እምዘ ፡ መሀርናክሙ ፡ ው
 ፳ ፡ ጉዝ ፡ ለይኩን ። ወይእዜሰ ፡ ለሰብእነ ፡ ነኦምን ፡ ወአኮ ፡ ለእግዚአብሔር ።
 ወእመሰኬ ፡ እፈቅድ ፡ ለሰብእ ፡ አድሎ ፡ ኢኮንኩ ፡ ገብሮ ፡ ለክርስቶስ ።
 ፳፮ ፡ እነግረክሙ ፡ አኅዊነ ፡ ትምህርተ ፡ ዘመሀርኩክሙ ፡ እስመ ፡ ኢኮነ ፡ በእን
 ፳፮ ፡ ተ ፡ ሰብእ ። ወእነሂ ፡ አኮ ፡ እምኅበ ፡ ሰብእ ፡ ዘነሣእክዎ ፡ ወኢሂ ፡ መሀር
 ፳፯ ፡ ንዮ ፡ ዳእሙ ፡ በዘከሠተ ፡ ሊተ ፡ ኢየሱስ ፡ ክርስቶስ ። ወሰማዕክሙ ፡ ግዕ
 ዝየ ፡ ዘትካት ፡ ዘእመ ፡ ሀሎኩ ፡ ውስተ ፡ አይሁድ ፡ ከመ ፡ ፈድፋድ ፡ ሰደ
 ፳፱ ፡ ድኩ ፡ ቤተ ፡ ክርስቲያኑ ፡ ለእግዚአብሔር ፡ ወእመንዘዝክዎሙ ። ወከበር
 ኩ ፡ በውስተ ፡ አይሁድ ፡ ፈድፋድ ፡ እምኸሎ ፡ ቢጽየ ፡ በውስተ ፡ ሕዝብ
 ፳፱ ፡ የ ፡ እስመ ፡ ፈድፋድ ፡ ኮንኩ ፡ ቀናኤ ፡ በሕገ ፡ እበውየ ። ወእመ ፡ ሠምረ ፡
 እግዚአብሔር ፡ ዘፈለጠኒ ፡ ወአውፅኦኒ ፡ እምከርሠ ፡ እምየ ፡ ጸውዕኒ ፡ በ
 ፳፻ ፡ ጸጋሁ ። ወከሠተ ፡ ሊተ ፡ ወልዶ ፡ ከመ ፡ እስብክ ፡ ለአሕዛብ ፡ በስሙ ፡ ወ
 ፳፻ ፡ ኢተለውኩ ፡ ሰቤሃ ፡ ዘሥጋ ፡ ወደም ። ወኢዐረጉ ፡ ኢየሩሳሌም ፡ ኅበ ፡
 ሐዋርያት ፡ ቀደምትየ ፡ ወሐርኩ ፡ ብሔረ ፡ ዐረብ ፡ ወካዕበ ፡ ተመየጥኩ ፡

ደማስቆ = ወእምድጎረ : ሠለስቱ : ዓመት : ዐረጉ : ኢየሩሳሌም : እርሐ ፲፮ :
 ዮ : ለኬፋ : ወነበርኩ : ጎቤሁ : ዐሠረ : ወጎሙሰ : መዋዕለ = ወኢያኦም ፲፱ :
 ር : ባዕደ : ሐዋርያተ : ዘእንበለ : ያዕቆብሃ : እጎሁ : ለእግዚእነ = ወዘኒ : ፳ :
 ዘጸሐፍኩ : ለከሙ : ናሁ : ቅድመ : እግዚአብሔር : ከመ : ኢይሔሱ = ወ ፳፩ :
 እምድጎረ : ዝንቱ : ነገር : በጸሕኩ : ደወለ : ቂልቅያ : ወሶርያ = ወኢያእ ፳፯ :
 መሩኒ : ቤተ : ክርስቲያናት : ዘብሔረ : ይሁዳ : እለ : በክርስቶስ : በገጽዮ =
 ወዳእሙ : ሰምዑ : ዝኩአ : ዘትካት : ይሰድድ : ይእዜ : ይሰብክ : ትምህር ፳፻ :
 ተ : ሃይማኖት = ወይሴብሕዎ : ለእግዚአብሔር : በእንቲአዮ = ፳፻ :

ምዕራፍ : ፪ ፣ ክፍል : ፪ ።

ወእምድጎረ : ዐሠርቱ : ወአርባዕቱ : ዓመት : ዐረጉ : ካዕባ : ኢየሩ ፩ :
 ሳሌም : ምስለ : በርናባስ : ወነሣእክዎ : ለቲቶ = ወዐረጉ : በዘአስተርአዮ ፯ :
 ኒ : ወነገርክዎሙ : ዘከመ : መሀርኩ : ወሰበኩ : ለአሕዛብ : ባሕቲትዮ = ለ ፫ :
 እለ : ይትሐዘቡኒ : ከመ : ለከንቱ : እረውጽ : ወእትባደር = ወቲቶስ : ዘም ፫ :
 ስሌዮ : እንዘ : አረማዊ : ውእቱ : ኢያገበርክዎ : ይትገዘር = በእንተ : ቢ ፬ :
 ጽ : ሐሳውያን : እለ : ተባውኡን : ከመ : ያስተሓይጽዎ : ለግዕዛንን : ዘረከ ፭ :
 ብነ : በኢየሱስ : ክርስቶስ : ከመ : ይቅንዩን = እለ : ኢነሐስቦሙ : ወኢከ ፮ :
 መ : ምንትኒ : ወኢተቀነይነ : ሎሙ : አሐተሂ : ሰዓተ : ከመ : ይጽናዕ : በ ፯ :
 ጎቤክሙ : ጽድቀ : ትምህርት = ወእለሰ : ይብሉ : መኑ : ከማን : እፎ : ኮ ፮ :
 ኑ : እሙንቱ : ትካት : ኢያጽሀቀኒ : እንግር = እስመ : እግዚአብሔር : ኢ ፯ :
 ያደሉ : ለገጸ : ሰብእ = ወእለሰ : ይትሐዘቡኒ : አልቦ : ዘይዌስኩኒ : ምንተ ፮ :
 ኒ = ዘእንበለ : ዳእሙ : አእሚርሙ : ከመ : ተአመነኒ : ትምህርትዮ : በጎ ፯ :
 በ : አሕዛብ : እለ : ኢተገዝሩ : በከመ : ትምህርቱ : ለጴጥሮስ : በጎቦ : አ ፮ :
 ይሁድ : እለ : ተገዝሩ : ወውእቱ : ዘረድአ : ለጴጥሮስ : በመልእክቱ : ዘ ፮ :
 መንገለ : ግዝረተ : አይሁድ : አርድአኒ : ሊተኒ : ውስተ : ቍልፈተ : አሕ ፱ :
 ዛብ = ወአእሚርሙ : ጸጋሁ : ዘወሀበኒ : ያዕቆብ : ወኬፋ : ወዮሐንስ : እ ፯ :
 ለ : ይብልዎሙ : አዕማድ : እሙንቱ : የማኖሙ : መጠዉኒ : ምስለ : በር ፲ :
 ናባስ : ከመ : ንሳተፍ : ምሀር : አሕዛብ = ወእሙንቱ : ይሑሩ : ጎብ : አይ ፲ :
 ሁድ : ወንሕነኒ : ጎብ : አረሚ = ዳእሙ : ከመ : ንዘከሮሙ : ለነዳያን = ወ ፲ :
 በእንተዝ : ጽሀቁ : እግበሮ : ለዝንቱ = ወአመ : መጽአ : ኬፋ : አንጸኪያ : ፲፮ :
 ተቃወምክዎ : ቅድመ : ገጹ : እስመ : ግእዝዎ = እስመ : ዘእንበለ : ይም ፲፮ :
 ጽኡ : ዕደው : እምጎብ : ያዕቆብ : በልዐ : ምስለ : አረሚ = ወአመ : መጽ

1E : ኡ : ተግሕሦሙ : እስመ : ፈርሆሙ : ለእለ : እምአይሁድ :: ወበዝኑ : እ
 ለ : ገብኡ : ጎበ : ዝንቱ : ግብር : እምአይሁድ : ወበርናባስኒ : ጎብረ : በአ
 1E : ድልዎቶሙ :: ወሶበ : ርኢኩ : ከመ : ኢያርትዑ : እግሮሙ : ጎበ : ጽድ
 ቀ : ትምህርት : እቤሎ : ለኬፋ : በቅድመ : ነሎሙ : ሶበ : አንተ : እንዘ :
 አይሁዳዊ : አንተ : በሕገ : አረሚ : ትነብር : ወአኮ : በሕገ : አይሁድ : እ
 1E : ፎ : እንከ : ታጌብርሙ : ለአረሚ : ይትየህዱ :: ወእንዘ : ንሕን : እለ : እ
 1E : ምፍጥረትን : አይሁድ : ወአኮ : እምአሕዛብ : ኃጥአን :: እስመ : ናአምር :
 ከመ : ኢይጸድቅ : ሰብአ : በገቢረ : ሕገገ : ኦሪት : ዘእንበለ : ዳእሙ : በአ
 ሚን : በኢየሱስ : ክርስቶስ :: ወንሕንኒ : አመን : በኢየሱስ : ክርስቶስ :
 ከመ : በሀይማኖትን : ቦቱ : ንጽደቅ : ወአኮ : በገቢረ : ሕገገ : ኦሪት :: እስ
 1E : መ : በሕገገ : ኦሪት : ኢይጸድቅ : ነሎ : ዘነፍስ :: ወእመሰ : እለ : ንፈቅ
 ድ : ንጽደቅ : በክርስቶስ : ኮነ : ከመ : ኃጥአን :: ክርስቶስ : እንከ : ላእከ :
 1E : ኃጢአትኑ : እንጋ :: ሓሰ :: እመሰኬ : ዝኩ : ዘነሠትኩ : ኪያሁ : ከመ : አ
 1E : ሕንጽ : ዐላዌ : ረሰይኩ : ርእስየ :: አንሰኬ : በእንተ : ሕግ : ዘበሕጉ : ሞ
 ትኩ : ከመ : እሕየው : ለእግዚአብሔር : ወተሰቀልኩ : ምስለ : ክርስቶስ ::
 1E : ሕይወትየሰ : ጎልቀት : ወበሕይወተ : ክርስቶስ : ሀለውኩ :: ወዘኒ : ዘአሐ
 ዩ : ይእዜ : በሥጋየ : በአሚን : በወልደ : እግዚአብሔር : አሐዩ : ዘአፍቀ
 ረኒ : ወመጣወ : ርእሶ : በእንቲአየ :: ኢይክሕድ : ጸጋ : እግዚአብሔር ::
 1E : እመሰኬ : በገቢረ : ሕገገ : ኦሪት : ይጸድቁ : ለከንቱኬ : ሞተ : ክርስቶስ ::

ምዕራፍ : ፫ : ክፍል : ፫ ::

1E : አአብዳን : ሰብአ : ገላትያ : መኑ : አሕመመክሙ : ከመ : ኢትእመ
 ኑ : በጽድቅ : ዘያስተርኢ : ለዐይን :: ኢየሱስ : ክርስቶስ : ዘአቅደመ : ተ
 1E : ጽሕፎ : በእንቲአሁ : ከመሂ : ይሰቀል :: ዘንተ : ዳእሙ : እፈቅድ : አእም
 ር : በጎቤክሙ : በገቢረ : ሕገገ : ኦሪት : ነሣእክሙ : መንፈስ : ቅዱስ :
 1E : አው : በሰሚዐ : ሃይማኖት :: ከመዝኑ : አብዳን : አንትሙ : እምድጎረ :
 ዘመንፈስ : ቅዱስ : ወጠንክሙ : ገባእክሙ : ይእዜ : ሕገ : ዘሥጋ : ወደ
 1E : ም : ትግባሩ :: ወመጠነዝ : ሐሚመክሙ : ለከንቱ : ረሰይክሙ :: ውእቱ :
 ዘይሁበክሙ : መንፈስ : ወይገብር : ለክሙ : ጎይለ : በገቢረ : ሕገገ : ኦሪ
 1E : ትኑ : አው : በሰሚዐ : ሃይማኖት :: በከመ : አብርሃም : አምነ : በእግዚአ
 1E : ብሔር : ወኮኖ : ጽድቀ :: ታአምሩ : እንከ : ከመ : እለ : አምኑ : ውሉደ :
 1E : አብርሃም : እሙንቱ :: እስመ : አቅደመ : አእምሮ : መጽሐፍ : ከመ : ፀ

አሚን ፡ ያጽድቆሙ ፡ እግዚአብሔር ፡ ለአሕዛብ ፡ አቅደመ ፡ አሰፍዎቶ ፡ እ
ግዚአብሔር ፡ ለአብርሃም ፡ ከመ ፡ ቦቱ ፡ ይትባረኩ ፡ ከሎሙ ፡ አሕዛብ ። ፱ ፡
ወይእይሰኑ ፡ እለ ፡ የአምኑ ፡ ይትባረኩ ፡ ምስለ ፡ አብርሃም ፡ ምእመን ። ፲ ፡
ወከሎሙ ፡ እለ ፡ ውስተ ፡ ሕገ ፡ ኦሪት ፡ ሀለዉ ፡ ውስተ ፡ መርገም ፡ ይነብ
ሩ ። እስመ ፡ ከመዝ ፡ ይቤ ፡ መጽሐፍ ፡ ርጉመ ፡ ለይኩን ፡ ከሎ ፡ ዘጽሑፍ ፡
ውስተ ፡ ዝንቱ ፡ መጽሐፈ ፡ ኦሪት ፡ ዘኢይፌጽም ፡ ገቢሮቶ ። ወከመሰ ፡ ፲፮ ፡
ኢይጸድቁ ፡ በገቢረ ፡ ሕገ ፡ ኦሪት ፡ በኅበ ፡ እግዚአብሔር ፡ ይትወወቅ ፡
ወጸድቅኒ ፡ በአሚን ፡ የሐዩ ፡ በከመ ፡ ጽሑፍ ። ኦሪትሰ ፡ ኢኮነ ፡ በአሚን ፡ ፲፯ ፡
ዘያጸድቅ ፡ ዳእሙ ፡ ዘፈጸመ ፡ ገቢሮቶ ፡ የሐዩ ፡ ቦቱ ። ወለነሰ ፡ ተሣየጠነ ፡ ፲፰ ፡
ክርስቶስ ፡ እመርገማ ፡ ለኦሪት ፡ በዘወድአ ፡ በእንቲአነ ፡ ወጸረ ፡ መርገማ ፡
እስመ ፡ ከመዝ ፡ ይቤ ፡ መጽሐፍ ። ርጉም ፡ ውእቱ ፡ ከሎ ፡ ዘስቀል ፡ ዲቦ ፡ ፲፱ ፡
ዕዕ ። ከመ ፡ ይግባእ ፡ በረከተ ፡ አብርሃም ፡ ላዕለ ፡ አሕዛብ ፡ በእንተ ፡ ኢየ
ሱስ ፡ ክርስቶስ ፡ ከመ ፡ ንርከብ ፡ ተስፋሁ ፡ ለመንፈስ ፡ ቅዱስ ፡ በአሚን ፡
ክርስቶስ ። ክፍል ፡ ፬ ። ሕገ ፡ ሰብእ ፡ ንብል ፡ ሰብእ ፡ ጥቀ ፡ ኢየአቢ ፡ ወኢ ፲፮ ፡
ይትከሐድ ፡ ኪዳነ ፡ ዘጽኑዕ ። ወለአብርሃምኒ ፡ አሰፈዎ ፡ እግዚአብሔር ፡ ፲፯ ፡
ወይቤሎ ፡ ለከ ፡ ወለዘርዕከ ። ኢይቤሎ ፡ ለከ ፡ ወለአዝርዕቲከ ፡ ከመ ፡ ዘለ
ብዙኃን ፡ ዘእንበለ ፡ ከመ ፡ ዘለአሐዱ ፡ ለዘርዕከ ፡ ዘውእቱ ፡ ክርስቶስ ። እ ፲፮ ፡
ብል ፡ እንከ ፡ ዝንቱ ፡ ኪዳን ፡ ጽኑዕ ፡ ዘእምኅበ ፡ እግዚአብሔር ፡ ወእምድ
ኅሬሁ ፡ በአርባዕቱ ፡ ምእት ፡ ክረምት ፡ መጽአት ፡ ኦሪት ። ወአኮሰ ፡ ከመ ፡
ትክላእ ፡ ዘአሰፈወ ፡ እግዚአብሔር ። ወእመሰኑ ፡ በገቢረ ፡ ሕገ ፡ ኦሪት ፡ ፲፯ ፡
ይወርሱ ፡ ኢኮነኑ ፡ በዘአሰፈዎ ። ናሁ ፡ አቅደመ ፡ አሰፍዎቶ ፡ እግዚአብ
ሔር ፡ ለአብርሃም ። ለምንት ፡ እንከ ፡ መጽአት ፡ ኦሪት ። ከመ ፡ ታብዝኃ ፡ ፲፱ ፡
ለኃጢአት ፡ እስከ ፡ አመ ፡ ይበጽሕ ፡ ዝኩ ፡ ዘርዕ ፡ ዘሎቱ ፡ አሰፈወ ፡ ወወ
ረደት ፡ በሥርዐተ ፡ መላእክት ፡ በእደ ፡ ኅሩይ ። ወኅሩይሰ ፡ ኢኮነ ፡ አሐዱ ፩ ፡
ሂ ፡ ዘእንበለ ፡ አሐዱ ፡ እግዚአብሔር ፡ ውእቱ ። ኦሪት ፡ እንከ ፡ ትክላእኑ ፡ ፳፩ ፡
ዘአሰፈወ ፡ እግዚአብሔር ፡ መጽአት ። ሓሰ ፡ ሰባሁ ፡ ተውሀበ ፡ ሕግ ፡ ዘይ
ክል ፡ አሕይዎ ፡ በውእቱ ፡ ሕግ ፡ እምኮነ ፡ ጽድቅ ። ወበሕቱ ፡ ዘግሐ ፡ መ ፳፪ ፡
ጽሑፍ ፡ ለከሎ ፡ ውስተ ፡ ኃጢአት ፡ ከመ ፡ ይኩን ፡ ተስፋ ፡ በአሚን ፡ በ
ኢየሱስ ፡ ክርስቶስ ፡ ወይረከብዎ ፡ እለ ፡ የአምኑ ። ወዘእንበለ ፡ ይብጻሕ ፡ ፳፫ ፡
አሚን ፡ ዐቀበተነ ፡ ኦሪት ፡ ወመርሐተነ ፡ ውስተ ፡ አሚን ፡ ዘይመጽእ ። እ ፳፬ ፡
ሪት ፡ እንከ ፡ መርሐ ፡ ኮነተነ ፡ ለኅበ ፡ ክርስቶስ ፡ ከመ ፡ ንጽደቅ ፡ በአሚ
ን ፡ ቦቱ ። ወሶበ ፡ መጽአት ፡ እንከ ፡ አሚን ፡ ኢንፈቅድ ፡ እንከ ፡ መርሐ ። ፳፭ ፡
እስመ ፡ ከሎ ፡ ውሎደ ፡ እግዚአብሔር ፡ ንሕነ ፡ በአሚን ፡ በኢየሱስ ፡ ክ ፳፮ ፡

፳፮ : ርስቶስ ። ወአንትሙሰ ። አለ ። ተጠመቅሙ ። በክርስቶስ ። ክርስቶስሃ ። ለበ
 ፳፯ : ስክሙ ። አልቦ ። በዝንቱ ። አይሁዳዊ ። ወአልቦ ። አረማዊ ። ወአልቦ ። ነባ
 ሪ ። ወአልቦ ። አግዓዚ ። ወአልቦ ። ተባዕት ። ወአልቦ ። አንስት ። ጻእሙ ። ነፍ
 ፳፻ : ልክሙ ። አሐዳ ። በኢየሱስ ። ክርስቶስ ። ወእምከሙ ። ኮንክሙ ። ለኢየሱ
 ስ ። ክርስቶስ ። አንትሙኬ ። እንክ ። ዘርዐ ። አብርሃም ። ወራስያነ ። ተስፋ ።

ምዕራፍ ፡ ፱ ፡

፩ ፡ ወባሕቱ ። እብል ። አምጣነሰ ። ሕፃን ። ውእቱ ። ወራሲ ። አልቦ ። ዘይ
 ፪ ፡ ጌይሰ ። እምነባሪ ። እንዘ ። እግዚእ ። ውእቱ ። ለነሱ ። ወባሕቱ ። ላዕለ ። እ
 ፫ ፡ ምሔው ። ወላዕለ ። መገብት ። ይትዐቀብ ። እስከ ። ዕድሜ ። ዘዐደመ ። አቡ
 ፬ ፡ ሁ ። ከማሁ ። ንሕነኒ ። አመ ። ሕፃናት ። ንሕነ ። ተቀነይነ ። ለስሒተ ። ዝኅለ
 ፭ ፡ ም ። ወአመ ። በጽሐ ። ዕድሜሁ ። ፈነወ ። እግዚአብሔር ። ወልዶ ። ወተወ
 ፮ ፡ ልደ ። እምብእሲት ። ወገብረ ። በሕገ ። ኦሪት ። ከመ ። ይሣየጠሙ ። ለእለ ።
 ፯ ፡ ውስተ ። ኦሪት ። ከመ ። ንርከብ ። ትርሲተ ። ውሉድ ። ወከመሰ ። ውሉድ ።
 ፰ ፡ አንትሙ ። ናሁ ። ፈነወ ። እግዚአብሔር ። መንፈሰ ። ወልዱ ። ውስተ ። ልብ
 ፱ ፡ ክሙ ። ውእቱ ። ዘይጼውዕ ። ወይብል ። አባ ። ወአቡዩ ። እንከሰኬ ። ወልድ ።
 ፲ ፡ አንተ ። ወኢኮንክ ። ገብረ ። ወእመሰኬ ። ወልድ ። አንተ ። ወራሲሁኬ ። ለእ
 ፲፩ ፡ ግዚአብሔር ። አንተ ። በኢየሱስ ። ክርስቶስ ። ወባሕቱ ። ትካትሰ ። በኢያእ
 ፲፪ ፡ ምሮትክሙ ። ተቀነይክሙ ። ለእለ ። ኢኮነ ። አማልክተ ። ወይእኬሰ ። አእ
 መርክምም ። ለእግዚአብሔር ። ወፈድፋደ ። ውእቱ ። አእመረክሙ ። እፎ ።
 ካዕበ ። ገበ ። ዝኩ ። ድኩም ። ወጽኑስ ። ጣዖተ ። ዝኅለም ። ትፈቅዱ ። ፈጠ
 ፲፫ ፡ ራ ። ትትቀነዩ ። ሎሙ ። ወትትዓቀቡ ። ዕለተ ። ወርኅ ። ወጊዜ ። ዓመታት ።
 ፲፬ ፡ አፈርሀክሙ ። እንዳሲ ። ለእመ ። ለከንቱ ። ጸመውኩ ። በእንቲአክሙ ።
 ፲፭ ፡ ኩኑ ። ከማዩ ። እስመ ። አነሂ ። ከማክሙ ። ኮንኩ ። ክፍል ። ፭ ። አግዩነ ። እ
 ፲፮ ፡ ስተበቀዕክሙ ። እስመ ። ኢገፋዕክሙኒ ። ታአምሩ ። ከመ ። በአምጣነ ። ድ
 ፲፯ ፡ ካመ ። ጎይልዩ ። መሀርኩክሙ ። ቀዲሙ ። ወእንዘሂ ። አሐምም ። ኢተቂጣ
 ዕክሙኒ ። ወኢመነንክሙኒ ። በሥጋዩ ። ወተወከፍክሙኒ ። ከመ ። መልአከ።
 ፲፰ ፡ እግዚአብሔር ። ወከመ ። ክርስቶስ ። ኢየሱስ ። አይቴኑ ። አብዕዖትክሙ ።
 ይእኬ ። አነ ። ሰማዕትክሙ ። ከመ ። ሶበ ። ይትከሀለክሙ ። አዕይንቲክሙ ።
 ፲፱ ፡ መሊኅክሙ ። እምሀሀብክሙኒ ። ጸላኤኑ ። ኮንኩክሙ ። ሶበ ። መሀርኩክ
 ፳ ፡ ሙ ። ጽድቀ ። ወእሉሰ ። ይቀንኡ ። ላዕሌክሙ ። ወአኮ ። ለሠናይ ። ጻእሙ ።
 ፳፩ ፡ ይዝግሐክሙ ። ይፈቅዱ ። ከመ ። ትቅንኡ ። ላዕሌሆሙ ። ሠናይኬ ። ከመ ።

ትቅንኡ ፡ ለገቢረ ፡ ሠናይ ፡ ነሱ ፡ ጊዜ ፡ ወአኮ ፡ ዳእሙ ፡ በሀልዎ ፡ ዚአየ ፡
 ጎቤክሙ ፡ = ደቂቅየ ፡ እለ ፡ ዳግመ ፡ አሐምም ፡ ብከሙ ፡ እስከ ፡ አመ ፡ ያስ ፲፱ ፡
 ተርኢ ፡ ክርስቶስ ፡ በላዕሌክሙ ፡ = ወእፈቅድ ፡ አሀሉ ፡ ጎቤክሙ ፡ ይእዜ ፡ ፩ ፡
 ወእዌልጥ ፡ ቃልየ ፡ እስመ ፡ አጎጥእ ፡ ዘእብል ፡ በእንቲአክሙ ፡ = ክፍል ፡ ፯ ፡ ፳፮ ፡
 ትብሉኑ ፡ በሕገ ፡ ኦሪት ፡ ነሀሉ ፡ ወኢትሰምዕዎኑ ፡ ለኦሪት ፡ = እስመ ፡ ጽሑፍ ፡
 ፍ ፡ ከመ ፡ አብርሃም ፡ ክልኤ ፡ ደቂቀ ፡ ወለደ ፡ አሐደ ፡ እምዕቅብቱ ፡ ወኢ
 ሐደ ፡ እምአግዓዢት ፡ = ወባሕቱ ፡ ክልእ ፡ ልደቱ ፡ ለዘእምዕቅብቱ ፡ ሕገ ፡ ሰ ፳፯ ፡
 ብእ ፡ ተወልደ ፡ = ወዘሰ ፡ እምአግዓዢት ፡ በዘአሰፈዎ ፡ = ወዝውእቱ ፡ አምሳ ፳፰ ፡
 ለ ፡ ክልኤቱ ፡ ሥርዓት ፡ = ወአሐቲሰ ፡ እምደብረ ፡ ሲና ፡ ትወልድ ፡ ለቅኔ ፡
 ወይእቲሰ ፡ አጋር ፡ = ወሲናሰ ፡ ደብር ፡ ውእቱ ፡ በብሔረ ፡ ዐረብ ፡ ወትትና ፳፱ ፡
 ጸር ፡ ምስለ ፡ ኢየሩሳሌም ፡ እንተ ፡ ይእዜ ፡ ወትትቀነይ ፡ ምስለ ፡ ደቂቃ ፡ =
 ወኢየሩሳሌምሰ ፡ እንተ ፡ ላዕሉ ፡ አግዓዢት ፡ ይእቲ ፡ ወይእቲ ፡ እምነ ፡ ፳፻ ፡
 ጽሑፍ ፡ ትትፈሣሕ ፡ መካን ፡ እንተ ፡ ኢትወልድ ፡ ወትትጎሠይ ፡ ወትከ ፳፺ ፡
 ልሕ ፡ እንተ ፡ ኢታአምር ፡ ማሕመመ ፡ እስመ ፡ ብዙኅ ፡ ውሉዳ ፡ ለማዕስ ፳፻፲ ፡
 ብ ፡ እምእንተ ፡ ባቲ ፡ ምት ፡ = ወንሕነሰ ፡ አጎዊነ ፡ ውሉደ ፡ ተስፋ ፡ አምሳ ፳፻፲ ፡
 ለ ፡ ይስሐቅ ፡ = ወበከመ ፡ ዘበሕገ ፡ ሥጋ ፡ ተወልደ ፡ ሰደዶ ፡ ለዘበመንፈስ ፡ ፳፻፲፯ ፡
 ተወልደ ፡ ከማሁ ፡ ይእዜኒ ፡ = ወበሕቱ ፡ ምንተ ፡ ይቤ ፡ መጽሐፍ ፡ = ስድዳ ፡ ፴ ፡
 ለአመት ፡ ምስለ ፡ ወልዳ ፡ እስመ ፡ ኢይወርስ ፡ ወልደ ፡ አመት ፡ ምስለ ፡
 ወልደ ፡ አግዓዢት ፡ = ወንሕነሰ ፡ ይእዜ ፡ አጎዊነ ፡ ኢኮነ ፡ ውሉደ ፡ አመ ፴፮ ፡
 ት ፡ ዘእንበለ ፡ ዘአግዓዢት ፡ እስመ ፡ ክርስቶስ ፡ አግወዘነ ፡ =

ምዕራፍ : ፭ ፤

ቁሙ ፡ እንከ ፡ ወኢትሐሩ ፡ ዳግመ ፡ ውስተ ፡ አርዑተ ፡ ቅኔ ፡ ናሁ ፡ ፩ ፡ ፲ ፡
 አነ ፡ ጳውሎስ ፡ አብለክሙ ፡ እምከመ ፡ ትትገዘሩ ፡ ክርስቶስ ፡ ኢይበቀዕ
 ክሙ ፡ ምንተኒ ፡ = ወካዕበ ፡ አሰምዕ ፡ ለነሱ ፡ ብእሲ ፡ ግዙር ፡ ከመ ፡ ይደል ፫ ፡
 ዎ ፡ ይግበር ፡ ነሱ ፡ ሕገ ፡ ኦሪት ፡ = ተስዕርክሙ ፡ እምክርስቶስ ፡ እለ ፡ በኦ ፬ ፡
 ሪት ፡ ትጸድቁ ፡ ወደቅሙ ፡ እምጸጋሁ ፡ = ወንሕነሰ ፡ በመንፈስ ፡ ቅዱስ ፡ ወ ፭ ፡
 በአሚን ፡ ንሌፎ ፡ ንጽደቅ ፡ = እስመ ፡ በኅበ ፡ እግዚእነ ፡ ኢየሱስ ፡ ክርስቶስ ፡ ፮ ፡
 ተገዢሂ ፡ ኢይበቀዕ ፡ ወኢተገዢሂ ፡ ኢያሰልጥ ፡ ዘእንበለ ፡ አሚን ፡ ወ
 ተፋቅሮ ፡ = ትካትሰ ፡ ሠናየ ፡ ርጽክሙ ፡ = መኑ ፡ አዕቀፈክሙ ፡ ኢትእመኑ ፡ ፮ ፡ ፮ ፡
 በጽድቅ ፡ አኮኑ ፡ ጎዳጥ ፡ ብሑእ ፡ ብዙኅ ፡ ሐሪጸ ፡ ያብሕእ ፡ = አንሰ ፡ ተአ ፱ ፡ ፲ ፡
 መንኩክሙ ፡ በእግዚእነ ፡ ከመ ፡ ኢተሐልዩ ፡ በዕደ ፡ ወዘሰ ፡ የሀውካክሙ ፡

፲፮ : ይጸውር : ደይኖ : መኑሂ : ዘኮነ : ከዊነ :: ወአንሰ : አኅውዮ : ለእመ : ግዝ
 ፲፯ : ረተ : እሰብክ : ዓዲ : ለምንትኑ : እንከ : እዴገን :: ተስዕረት : እንከ : ትዕ
 ይርተ : መስቀሉ : ለክርስቶስ :: ርቱዕ : ይንትጉ : እለ : የሀውኩክሙ ::
 ፲፩ : ክፍል : ፯ :: ወአንትሙሰ : ለግዕዛን : ተጸዋዕክሙ : አኅውዮ : ወዳእሙ :
 ኢትግበሩ : ላቲ : ምክንያተ : ለግዕዛንክሙ : በሥጋክሙ : ወበተፋቅሮ :
 ፲፪ : ተቀንዩ : ለቢጽክሙ :: እስመ : አሐዱ : ቃል : ይፈጽሞ : ለኩሉ : ሕግ :
 ፲፫ : አፍቅር : ቢጻክ : ከመ : ነፍስከ :: ወእመሰ : በበይናቲክሙ : ትትባልዑ :
 ፲፬ : ወትትናሰኩ : ተኅልቆ : ተረፍክሙ :: እብለክሙ : በመንፈስ : ሑሩ : ወ
 ፲፭ : ፍትወተ : ሥጋክሙ : ኢትግበሩ :: እስመ : ሥጋኒ : ይፈቱ : ዘኢይፈቱ :
 መንፈስ : ወመንፈስኒ : ይፈቱ : ዘኢይፈቱ : ሥጋ : ወይትአበዩ : በበይና
 ፲፮ : ቲሆሙ : ከመ : ኢትግበሩ : ዘትፈቅዱ :: ወእመሰ : ዘበመንፈስ : ትተል
 ፲፱ : ዉ : ወዓእክሙ : እምኦሪት :: ይትዐወቅ : ምግባሩ : ለሥጋ : ዝሙት : ር
 ፳ : ኩስ : ወምርዓት :: አግዕዎ : ሥራይ : ጽልእ : ትዝሀርት : ትዝውፍት : ቅ
 ፳፩ : ንአት : መዓት : ኑፋቂ : ተቃዓዎ :: ተሐምሞ : ተቃትሎ :: ስታይ : ስክረ
 ት :: ወዘአምሳሊሁ : ለዝንቱ :: በከመ : አቅደምኩ : ነጊሮተክሙ : ዘዘን
 ፳፪ : ተ : ይገብር : ኢይሬኢ : መንግሥተ : እግዚአብሔር :: ወፍሬሁሰ : ለመን
 ፈስ : ቅዱስ : ተፋቅሮ : ፍሥሐ : ሰላም : ትዕግሥት : ምጽዋት : ኒሩት :
 ፳፫ : ሃይማኖት :: የውሀት : ኢዘምዎት :: አልቦ : ዘይኔይስ : እምዝ : ሕግ ::
 ፳፬ : ወእለሰ : በኢየሱስ : ክርስቶስ : ሰቀሉ : ሥጋሆሙ : ምስለ : ፍትወት : ወ
 ፳፭ : ምስለ : ኃጢአት :: ወእመሰ : በመንፈስ : ነሐዩ : ወዘመንፈስ : ንግበር ::
 ፳፮ : ወኢንኩን : ዝሁራነ : ወኢትትሓመዩ : በበይናቲክሙ : ወኢትትኃሠሡ :
 በበይናቲክሙ ::

ምዕራፍ : ፯ ፤

፩ : አኅዊነ : ለእመቦ : ብእሲ : ዘበሕተ : አንትሙ : እለ : በመንፈስ : ቅ
 ዱስ : አጽንዕዎ : ለዘ : ከማሁ : በመንፈሰ : የውሀት : እንዘ : ትትዓቀቡ :
 ፪ : ለርእስከሙ : ኢትስሐቱ :: ወጹሩ : ለቢጽክሙ : ዘአክበዱ : ላዕሌሆሙ :
 ፫ : ወቦቱ : ትፈጽሙ : ሕገ : ክርስቶስ :: ወአልቦ : ዘያስሕት : ርአዕ :: ወኩሉ :
 ፬ : ያመክር : ምግባሮ : በዘይከውኖ : ምክሐ : ለርእሱ : ወአኮ : ለባዕድ : እስ
 ፭ : መ : ኩሉ : ጸሮ : ይጸውር :: ወይስምዎ : ንኡሰ : ክርስቲያን : ለዝነገር : ወ
 ፮ : ይትመሀር : ኩሎ : ሠናያተ :: ኢያስሕቱክሙ : አልቦ : ዘያስተአብዶ : ለ
 ፯ : እግዚአብሔር :: ዘዘርዐ : ሰብእ : የኦርሮ :: ዘዘርዐ : ውስተ : ሥጋሁ : የአ
 ፮ : ርር : ሞተ : ወዘዘርዐ : ውስተ : መንፈሱ : የኦርሮ : ሕይወተ : ዘለዓለም :: ወ

ኢንትህክይ : ገቢረ : ሠናይ : እስመ : በዕድሜሁ : ነኦርሮ :: አምጣነ : ብ 11
 ነ : ዕለተ : ንግበር : ሠናየ : ለኰሉ : ወፈድፋደሰ : ለሰብኦ : ሃይማኖት :: ር 12
 እዩ : ዘከመ : ጸሐፍኩ : ለከሙ : በእደዬ :: ወእለሰ : ይፈቅዱ : ያድልዉ : 13
 ለገጽ : እሙንቱ : ያጌብሩክሙ : ትትገዘሩ : ዳእሙ : ከመ : ኢትትልዉ :
 መስቀሎ : ለክርስቶስ :: ወእለሂ : ተገዘሩ : ኢዐቀቡ : ኦሪተ : ዳእሙ : ይ 14
 ፈቅዱ : ለከሙ : ትትገዘሩ : ከመ : በነፍስትክሙ : ትዘሀሩ :: ወእንሰ : ሓ 15
 ሰ : ሊተ : ኢይዜሀር : ዘእንበለ : በመስቀሉ : ለኢየሱስ : ክርስቶስ : እግዚ 16
 እነ : ወበኅቤየሰ : ምውት : ዓለም : ወአነሂ : ምውት : በኅበ : ዓለም :: እስ 17
 መ : በኢየሱስ : ክርስቶስ : ተገዘሮሂ : ኢይበቀፊ : ወኢተገዘሮሂ : ኢያ 18
 ሰልጥ : ዘእንበለ : ሐዳስ : ፍጥረት :: ወላዕለ : ኰሎሙ : እለ : ይገብሩ : በ 19
 ዝንቱ : ሕግ : ሰላም : ወሣሀል : ወዲበ : እስራኤል : ዘእግዚአብሔር :: እ 20
 ምይእዜ : አልቦ : ዘያንጥየኒ : አንሰ : ሕማሞ : ለክርስቶስ : እጸውር : በሥ 21
 ጋየ :: ጸጋሁ : ለእግዚእነ : ኢየሱስ : ክርስቶስ : ምስለ : መንፈስክሙ : አ 22
 ኅውየ : አሜን ::

ተፈጸመ : መልእክት : ኅበ : ሰብኦ : ገላትያ : ወተጽሕፈት : በሮሜ :: ::

መልእክተ : ጳውሎስ : ኅበ : ሰብአ : ኤፌሶን ።

ምዕራፍ : ፩ ፤

፩ ፤ ጳውሎስ : ሐዋርያሁ : ለኢየሱስ : ክርስቶስ : በፈቃድ : እግዚአብሔ
 ፪ ፤ ር : ለቅዱሳን : አለ : በኤፌሶን : ወምእመናን : በኢየሱስ : ክርስቶስ ። ሰ
 ፫ ፤ ላም : ለክሙ : ወጸጋ : እግዚአብሔር : አቡነ : ወእግዚእነ : ኢየሱስ : ክር
 ፬ ፤ ስቶስ ። ይትባረክ : እግዚአብሔር : አቡሁ : ለእግዚእነ : ኢየሱስ : ክርስ
 ፭ ፤ ቶስ : ዘባረከነ : በኩሉ : በረከተ : መንፈስ : ቅዱስ : ዘበሰማያት : በክርስቶ
 ፮ ፤ ስ : ኢየሱስ ። በከመ : ኅረየነ : ሎቱ : እምቅድመ : ይትፈጠር : ዓለም : ከ
 ፯ ፤ መ : ይረስየነ : ቅዱሳነ : ወንጹሐነ : በቅድሜሁ : በተፋቅሮ ። ወሠርዐነ :
 ፳ ፤ ትርሲተ : ወልዱ : በእንተ : ኢየሱስ : ክርስቶስ : በከመ : ሥምረተ : ፈቃ
 ፳፩ ፤ ዱ ። ለክብር : ወለስብሐት : በጸጋሁ : ዘጸገወነ : በወልዱ : ፍቁሩ ። ዘበእ
 ፳፪ ፤ ንቲአሁ : ረከብነ : መድኃኒተ : ወተኅድገ : ኃጢአትነ : በደሙ : በከመ :
 ፳፫ ፤ ብዕለ : ጸጋሁ ። ዘአፈድፈደ : ላዕሌነ : በኩሉ : ጥበብ : ወምክር ። ወአርአ
 ፳፬ ፤ የነ : ምክረ : ፈቃዱ : በከመ : ሥምረቱ : ወዘሠርዐ : በእንቲአሁ ። ወዐቀ
 ፳፭ ፤ መ : በዘይበጽሕ : ዕድሜሁ : ወአርአሶ : ላዕለ : ኩሉ : ለክርስቶስ : ለዘበሰ
 ፳፮ ፤ ማይ : ወለዘበምድር ። ወከፈለነ : በዘሠርዐነ : እግዚአብሔር : ወረድአነ :
 ፳፯ ፤ በከመ : ምክረ : ፈቃዱ ። ከመ : የሀበነ : ምክረ : ወስብሐተ : ለአለ : ተወ
 ፳፰ ፤ ከልነ : በክርስቶስ : ኢየሱስ ። ወአንትሙሂ : ሰማዕክሙ : ቃለ : ጽድቅ :
 ፳፱ ፤ ትምህርተ : ሕይወትክሙ : ወአመንክሙ : ወዐተቡክሙ : በመንፈስ : ቅ
 ፴ ፤ ዱስ : ዘአሰፈወ ። ዘውእቱ : አረባነ : ርስትነ : ወመድኅኒተ : ሕይወትነ : በ
 ፴፩ ፤ ክብረ : ስብሐቲሁ ። ክፍል : ፪ ። ወበእንተዝ : አነሂ : ሰሚዕየ : ሃይማኖተ
 ፴፪ ፤ ክሙ : በእግዚእነ : ኢየሱስ : ክርስቶስ : ወዘታፈቅርምሙ : ለኩሉሙ : ቅ
 ፴፫ ፤ ዱሳን ። ኢያንተጉ : አእኩቶቶ : በእንቲአክሙ : ወተዘክሮተክሙ : በጸሎ
 ፴፬ ፤ ትየ ። ከመ : አምላኩ : ለእግዚእነ : ኢየሱስ : ክርስቶስ : አበ : ስብሐት :
 ፴፭ ፤ የሀብክሙ : መንፈስ : ጥበብ : ወይክሥት : ለክሙ : ታእምሩ ። ወያብር
 ፴፮ ፤ ሀ : አዕይንተ : ልብክሙ : ወታእምሩ : ምንት : ውእቱ : ተስፋሁ : ለጽዋ
 ፴፯ ፤ ዔክሙ : ወምንት : ውእቱ : ብዕለ : ስብሐተ : ርስቱ : በቅዱሳን ። ወምን
 ፵ ፤ ት : ፍድፋዴ : ጽንዕ : ኅይሉ : ዘላዕሌነ : ለአለ : ነአምን : በከመ : ዕባየ :

ጎይሉ ፡ ዘገብረ ፡ በክርስቶስ ። ዘአንሥኦ ፡ እሙታን ፡ ወአንበር ፡ በየማኑ ፡ ፳ ፡
 ውስተ ፡ ሰማያት ። መልዕልተ ፡ ነሉ ፡ መላእክት ፡ ወመኳንንት ፡ ወጎይላ ፳፩ ፡
 ት ፡ ወአጋእዝት ፡ ወነሉ ፡ ስም ፡ ዘይሰመይ ፡ ወአከ ፡ በዝ ፡ ዓለም ፡ ባሕቲ
 ቱ ፡ ወባሕቱ ፡ በዘይመጽእኒ ፡ ዓለም ። ወነሉ ፡ አግረረ ፡ ሎቱ ፡ ታሕተ ፡ ፳፪ ፡
 እገሪሁ ፡ ወኪያሁ ፡ ዘውእቱ ፡ መልዕልተ ፡ ነሉ ፡ ረሰዮ ፡ ርእሰ ፡ ለቤተ ፡ ክ
 ርስቲያን ። እንተ ፡ ይእቲ ፡ ሥጋሁ ፡ ወውእቱ ፡ ፍጻሜሁ ፡ ለነሉ ፡ ወይፈ ፳፫ ፡
 ጽም ፡ ነሉ ፡ በነሉ ።

ምዕራፍ ፡ ፪ ፡ ክፍል ፡ ፫ ፡

ወአንትሙሂ ፡ እንዝ ፡ ምውታን ፡ አንትሙ ፡ በኃጢአትክሙ ። በዘቦ ፩ ፡ ፲፩ ፡
 ቱ ፡ ሐርክሙ ፡ ትካት ፡ በንብረተ ፡ ሥርዓተ ፡ ዝዓለም ፡ ከመ ፡ ሥምረተ ፡
 መልአክ ፡ መኰንን ፡ ርእየተ ፡ ነፋስ ፡ ዘይኅይሎሙ ፡ ይእዜ ፡ ለደቂቀ ፡ ከ
 ሓድያን ። ወንሕንሂ ፡ ገበርን ፡ ነሉን ፡ ትካት ፡ በፍትወተ ፡ ሥጋን ፡ ወገበር ፫ ፡
 ነ ፡ ፈቃደ ፡ ሥጋን ፡ ወዘሐለይን ፡ ወኮን ፡ ውሉደ ፡ መንሱት ፡ ከመ ፡ ነሉ ፡
 ኃጥአን ። ወእግዚአብሔር ፡ በብዕለ ፡ ስብሐቲሁ ፡ ወበብዝህ ፡ ፍቅሩ ፡ ዘአ ፬ ፡
 ፍቅረን ። እንዝ ፡ ምውታን ፡ ንሕን ፡ በኃጢአትን ፡ አሕዩወን ፡ በክርስቶስ ፡ ፮ ፡
 ወድኅን ፡ በጸጋሁ ። ወአንሥኦን ፡ ወአንበረን ፡ ምስሌሁ ፡ በሰማያት ፡ በኢየ ፯ ፡
 ሱስ ፡ ክርስቶስ ። ከመ ፡ ያርኢ ፡ በዓለም ፡ ዘይመጽእ ፡ ብዝህ ፡ ጸጋሁ ፡ በ ፮ ፡
 ዘምሕረን ፡ በኢየሱስ ፡ ክርስቶስ ። እስመ ፡ በጸጋሁ ፡ ድኅን ፡ ወበአሚን ። ፭ ፡
 ወዳእሙ ፡ ጸጋሁ ፡ ለእግዚአብሔር ፡ ውእቱ ፡ ወኢኮን ፡ ዚአክሙ ። ወአኮ ፡ ፱ ፡
 በምግባሪን ፡ ከመ ፡ አልቦ ፡ ዘይትመካሕ ። እስመ ፡ ተግባሩ ፡ ንሕን ፡ ዘፈጠ ፲ ፡
 ረን ፡ በኢየሱስ ፡ ክርስቶስ ፡ ለምግባረ ፡ ሠናይ ፡ ዘአቅደመ ፡ ሠሪዐ ፡ እግዚ
 አብሔር ፡ በዘቦቱ ፡ ነሐውር ። ወተዘከሩ ፡ አንትሙ ፡ አሕዛብ ፡ ትካት ፡ በ ፲፩ ፡
 ሕግ ፡ ዘሥጋ ፡ ሀሎክሙ ፡ ወይብሉክሙ ፡ ሰብአ ፡ ቍልፈት ፡ እለሰ ፡ ይብ
 ሉክሙ ፡ ከመዝ ፡ ሰብአ ፡ ግዝረት ፡ ወግዝረትሰ ፡ ግብረ ፡ እደ ፡ ሰብአ ፡ ዘይ
 ትገበር ፡ ውስተ ፡ ሥጋ ። ወኢታኦምርዎ ፡ ለክርስቶስ ፡ ውእተ ፡ አሚረ ፡ ፲፫ ፡
 ወነኪራን ፡ አንትሙ ፡ እምሕገ ፡ እስራኤል ፡ ወነግዳን ፡ እምሥርዐተ ፡ ተስ
 ፋ ፡ ወአልብክሙ ፡ ተስፋ ፡ ወኢታኦምርዎ ፡ ለእግዚአብሔር ፡ በውስተ ፡
 ዓለም ። ወይእዜሰ ፡ ባሕቱ ፡ አንትሙ ፡ እለ ፡ ትካት ፡ ርሑቃን ፡ ቀረብክ ፲፫ ፡
 ሙ ፡ በደሙ ፡ ለክርስቶስ ። እስመ ፡ ውእቱ ፡ ሰላምን ፡ ዘረሰዮሙ ፡ አሐደ ፡ ፲፬ ፡
 ለክልኤሆሙ ፡ ወነሠተ ፡ አረፍተ ፡ ማእከል ፡ እንተ ፡ ጽልእ ፡ በሥጋሁ ።
 ወሰዐረ ፡ ሕገ ፡ ትእዛዝ ፡ በሥርዓቱ ፡ ከመ ፡ ይረሰዮሙ ፡ አሐደ ፡ ብእሌ ፡ ፲፭ ፡

፲፮ : ሐዲሰ : ለክልኤሆሙ : ወገብረ : ሰላሙ ። ወአብጽሐሙ : ለክልኤሆሙ :
 በአሐዱ : ሥጋሁ : ለኅብ : እግዚአብሔር : በመስቀሉ : ወለጽልእ : ቀተ
 ፲፯ : ሎ : ቦቱ ። ወመጽአ : ወወሀበነ : ሰላሙ ። ለርሑቃን : ወሰላሙ : ለቅሩባን ።
 ፲፰ : እስመ : ውእቱ : መርሐነ : ወአቅረበነ : ለክልኤቱ : ለኅብ : አቡሁ : በሙን
 ፲፱ : ፈስ : ቅዱስ ። እም ይእዜሰ : ኢኮንክሙ : ነግደ : ወፈላሴ : አላ : አንትሙ :
 ፳ : ሰብአ : ሀገሪቶሙ : ለቅዱሳን : ወሰብአ : ቤቱ : ለእግዚአብሔር ። እስመ :
 ተሐነጽክሙ : ዲባ : መሠረተ : ሐዋርያት : ወነቢያት : እንዘ : ክርስቶስ :
 ፳፩ : ርእስ : ማዕዘንተ : ሕንጻ ። ዘቦቱ : የኅድር : ኰሉ : ሕንጻ : ወይጸንዕ : ጽር
 ፳፪ : ሐ : መቅደሱ : ለእግዚአብሔር ። ወአንትሙሂ : ቦቱ : ተሐነጽክሙ : ማ
 ኅደረ : እግዚአብሔር : በመንፈስ : ቅዱስ ።

ምዕራፍ : ፫ ፤

፩ : ወእንበይነዝ : አነ : ጳውሎስ : ሙቁሑ : ለክርስቶስ : እንበይነ : ዚአ
 ፪ : ክሙ : አሕዛብ ። ሶበሰ : ሰማዕክሙ : ሀብተ : ጸጋሁ : ለእግዚአብሔር : ዘ
 ፫ : ወሀበኒ : በእንቲአክሙ ። እስመ : ከሠተ : ሊተ : ምክሮ : ወአርአየኒ : በከ
 ፬ : መ : ጸሐፍኩ : ለክሙ : ኅዳጠ ። ዘትክሉ : አእምሮ : ሶበ : ታነብቡ : ወታ
 ፭ : አምሩ : ሕሊናየ : በምክሩ : ለክርስቶስ ። ዘኢያአምሮ : ካልእ : ትውል
 ፮ : ድ : ለደቂቀ : እንላ : እመሕያው : ከመ : ይእዜ : ተከሥተ : ለቅዱሳን : ሐ
 ፯ : ዋርያት : ወነቢያቲሁ : በመንፈስ : ቅዱስ ። ከመ : ይረስዮሙ : ለአሕዛብ :
 መዋርስቲሁ : ወሥጋሁ ። ወይኅበሩ : ተስፋ : በኢየሱስ : ክርስቶስ : በት
 ፳ : ምሀርተ : ወገጌል ። ዘሎቱ : ተሠየምኩ : አነ : ላእከ : በከመ : ሀብተ : ጸ
 ፳፩ : ጋሁ : ዘወሀበኒ : ሊተ : በረድኤተ : ኅይሉ ። ሊተ : ዘአነ : እቴሐት : እም
 ኰሎሙ : ቅዱሳን : ወሀበኒ : ዘንተ : ጸጋሁ : ከመ : እምሀርሙ : ለአሕዛ
 ፱ : ብ : ብዕለ : ክርስቶስ : ዘአልቦ : አሰር ። ወአብርሀ : ለኰሉ : ምንት : ውእ
 ቱ : ሥርዐቱ : ለዝንቱ : ምክር : ዘኅቡእ : እምዓለም : በኅብ : እግዚአብሔ
 ፲፫ : ር : ዘኰሎ : ፈጠረ ። ከመ : ይእዜ : ይትወወቅ : ለቀደምት : ወለመኳንን
 ብ : እለ : በሰማያት : በእንተ : ቤተ : ክርስቲያን : ጥበቢሁ : ለእግዚአብሔ
 ፲፮ : ር : እንተ : ብኰኅ : ሕበሪሃ ። ዘሠርዐ : እምቅድመ : ዓለም : ወፈጸመ : በ
 ፲፯ : ኢየሱስ : ክርስቶስ : እግዚእነ ። ዘቦቱ : ረከብነ : ሞገሰ : ወመርሐነ : ውስ
 ፲፱ : ተ : ተስፋ : በሃይማኖት ። ወበእንተ : ዝንቱ : አስተበቀዕክሙ : ከመ : ኢ
 ትትቁጥዕዋ : ለሕማምየ : እንተ : ትረክበኒ : በእንቲአክሙ : ለክብርክ
 ፲፱ : ሙ ። ወእንበይነ : ዝንቱ : እሰግድ : ለአብ : በበረከትየ ። ዘኪያሁ : ይጸ

ውፁ : ነሉ : በሐውርት : ዘበሰማያት : ወዘበምድር ። ከመ : የሀብክሙ : ፲፮ ፤
በከመ : ብዕለ : ስብሐቲሁ : ወያጽንዕክሙ : በኅይለ : መንፈስ : ቅዱስ ።
እስመ : እንተ : ውስጡ : ለሰብእ : የኅድር : ክርስቶስ : በሃይማኖት : ውስ ፲፯ ፤
ተ : ልብክሙ : በተፋቅሮ ። እንዘ : ይከውን : ጽኑዐ : ሥርወክሙሂ : ወ
መሠረትክሙሂ ። ከመ : ትክህሉ : ረኪበ : ምስለ : ነሉ : ቅዱሳን : ምን ፲፰ ፤
ትኑ : ራሕቡ : ወኑት : ወላዕሉ : ወዕመቁ : ለጠይቆ : ብዝኅ : አእምሮ : ፍ ፲፱ ፤
ቅሩ : ለክርስቶስ : ከመ : ትስልጡ : በነሉ : በፍጻሜ : እግዚአብሔር ።
ዘይክል : አጽንዖተክሙ : ትግበሩ : ነሎ : ወታፈድፍዱ : ዘንስእል : ወዘ ፳ ፤
ንሔሊ : በከመ : ይረድአን : ኅይሉ ። ዘሎቱ : ስብሐት : በቤተ : ክርስቲያ ፳፩ ፤
ን : በኢየሱስ : ክርስቶስ : በነሉ : ትውልድ : ወለዓለመ : ዓለም : አሜን ።

ምዕራፍ : ፬ ፤ ክፍል : ፬ ፤

አስተባባሪክሙ : እነ : ሙቁሕ : በክርስቶስ : ከመ : ትሑሩ : በዘይ ፩ ፤
ደልዋ : ለጽዋዜክሙ : ዘጸውዐክሙ ። እንዘ : ታቴሕቱ : ርእሰክሙ : በነሉ ፪ ፤
ሉ : የውሀት : ወትትዲገሡ : ወአሆ : ትብሉ : ለበጽክሙ : ወትጽሀቁ :
ለተፋቅሮ : ወተኅብሩ ። ወትዕቀቡ : በአሐዱ : መንፈስ : ወበማእሠረ : ሰ ፫ ፤
ላም ። ከመ : ትኩኑ : አሐደ : ሥጋ : ወአሐደ : መንፈስ : በከመ : ተጸዋዕ ፬ ፤
ክሙ : ለአሐዱ : ተስፋክሙ ። አሐዱ : እግዚአብሔር : ወአሐዱ : ሃይማ ፭ ፤
ኖት : ወአሐቲ : ጥምቀት ። ወአሐዱ : እግዚአብሔር : አብ : ለነሉ : ዘላ ፮ ፤
ዕለ : ነሉ : ወእምኔሁ : ነሉ : ወውእቱ : ውስተ : ነሉ ። ወለለአሐዱ : ፯ ፤
እምኔን : ተውሀበ : ጸጋሁ : በበ : መስፈርተ : ሀብቱ : ለክርስቶስ ። እስመ : ፸ ፤
ይቤ : ዐረገ : ውስተ : አርያም : ዩዊወክ : ዩዋ : ወወሀብክ : ጸጋክ : ለእንለ :
እመሕያው ። ወምንትኑ : እንከ : ዘዐርገ : ሶበ : ኢወረደ : መትሕተ : ም ፱ ፤
ድር ። ዘወረደሂ : ውእቱ : ወዘዐርገሂ : ውእቱ : ወዘሀሎ : መልዕልተ : ሰ ፲ ፤
ማያት : ከመ : ይፈጽም : ነሎ ። ወውእቱ : ወሀበ : ጸጋ : ወከፈለን : ወረሰ ፲፩ ፤
የን : እምስብእ : ዚአሁ : ሐዋርያተ ። ወእምኔሆሙ : ነቢያተ : ወመምሀራ ፲፪ ፤
ነ : ወእምኔሆሙ : ኖሎተ : ወእምኔሆሙ : ሊቃውንተ ። በዘይጸንዑ : ቅዱ ፲፫ ፤
ሳን : ለግብረ : መልእክቱ : ወለሕንጻ : ሥጋሁ : ለክርስቶስ ። እስከ : ንክ ፲፬ ፤
ውን : ነሉ : አሐደ : በሃይማኖት : ወበአእምሮቱ : ለወልደ : እግዚአብ ፲፭ ፤
ሔር : ወንኩን : ከመ : ዘአሐዱ : ብእሲ : ፍጹም ። ብጹሐ : አምጣን : በዐ ፲፮ ፤
ቅመ : ፍጻሜሁ : ለክርስቶስ ። ከመ : ኢንኩን : እንከ : ደቂቀ : ዘይተነት ፲፯ ፤
ን : ወይትሐወስ : ምስለ : ነሉ : ነፋስ : ኅበ : ትምይንተ : ትምህርተ : እን

151 ለ : እመሕያው : እለ : ይትመነገኑ : በጉሕሉቶሙ : ከመ : ያስሕቱ ። አላ :
 ንጽደቅ : እንከ : በተፋቅሮ : ወንብዛኅ : በኩሉ : ዘብን : በክርስቶስ : ዘው
 152 እቱ : ርእስ ። ዘቦቱ : የኅድር : ኩሉ : ሥጋ : ወይትዋደድ : በኩሉ : ሥር
 ው : በበመስፈርተ : ሀብቱ : ዘይትወሀብ : ለለክሐዱ : መሌሊት : እምነ :
 መለያልይ : በዘይልሀቅ : ሥጋ : ወይትፈጸም : ከመ : ይትፈጸም : ሕንጻ
 153 ሁ : በተፋቅሮ ። ክፍል : ፩ ። ዘንተ : እብል : ወአሰምዕ : ለእግዚአብሔር :
 በእንቲአሁ : ከመ : ኢትሑሩ : እንከ : ከመ : አሕዛብ : እለ : የሐውሩ : በ
 154 ሕሊና : ልቦሙ ። ወጽሉም : ሕሊናሆሙ : ወነኪራን : እምሕይወተ : እግ
 155 ዚአብሔር : በእቦዶሙ : ወበጽላሌ : ልቦሙ ። እለ : ቅቡጻን : ተስፋሆሙ :
 156 ወመጠዉ : ርእሶሙ : ለሕርትምና : ወለርኩስ : ወለምርዓት ። ወአንትሙ
 157 ሰ : አኮ : ከግሁ : ዘተምሀርክምዎ : ለክርስቶስ ። እመሰ : አማን : ትሰምዕ
 ዎ : ወትትሜሀሩ : በኅቤሁ : ጽድቅ : እስመ : ጽድቅ : በኢየሱስ : ክርስ
 158 ቶስ : ውእቱ ። አእትቱ : እምላዕሌክሙ : ግዕዘክሙ : ዘትካት : እብል : በ
 159 እንተ : ብሉይ : ብእሲ : ዘይማስን : በፍትወተ : ስሒት ። ሐድሱ : መንፈ
 160 ሰ : ልብክሙ ። ወልበስዎ : ለሐዲስ : ብእሲ : ዘሐደሰ : እግዚአብሔር : በ
 161 ጽድቅ : ወበርትዕ : ወበንጽሕ ። ወበእንተዝ : ኅድግዎ : ለሐሰት : ወተናገ
 162 ሩ : ጽድቅ : ኩልክሙ : ምስለ : ቢጽክሙ : እስመ : አሐዱ : አባል : ንሕ
 163 ነ ። ተምዑ : ወኢተአብሱ : ወዘእንበለ : ይዕረብ : ፀሐይ : አቅርሩ : መዓ
 164 ተክሙ ። ወኢተሀብዎ : ፍኖተ : ለሰይጣን ። ዘይሰርቅኒ : ኢይስርቅ : እን
 165 ከ : ለይትገበር : ወይጸሙ : እንከ : በእደዊሁ : ለሠናይ : በዘይረድኦ : ለነ
 166 ዳይ ። ወኩሉ : ነገር : ሕሁም : ኢይግእ : እምአፋክሙ ። ዘእንበለ : ሠና
 167 ደ : በዘይትሐንጽ : ትካዝክሙ : ከመ : ይርከቡ : ሞገሰ : እለ : ይሰምዑክ
 168 ሙ ። ወኢታምዕዕዎ : ለመንፈስ : ቅዱስ : ዘቦቱ : ዐተቡክሙ : አመ : ድ
 169 ኅንክሙ ። ኩሉ : መሪሪ : ወቅጥዓ : ወመርገመ : ወመንሱተ : ወዕርፈተ :
 170 አእትቱ : እምላዕሌክሙ : ምስለ : ኩሉ : እኩይ ። ወኩኑ : መሓርያነ : ቢ
 171 ጽክሙ : ወተጻገዉ : በበይናቲክሙ : በከመ : ጸገወክሙ : እግዚአብሔር :
 በክርስቶስ ።

ምዕራፍ : ፩ ፤

1 ፤ 1 ተመሰሉ : በእግዚአብሔር : ከመ : ውሉድ : ፍቁራን ። ወሑሩ : በ
 ተፋቅሮ : ከመ : አፍቀረክሙ : ክርስቶስ : ወመጠዉ : ርእሶ : በእንቲአክ
 2 ፤ ሙ : መሥዋዕተ : ወቅርባነ፤ ለእግዚአብሔር : ለመገዛ : ሠናይ ። ወዝሙ
 ትሰ : ወኩሉ : ርኩስ : ወትዕግልት : ኢይሰማዕ : በላዕሌክሙ : በከመ : ይ

ደልዎሙ ፡ ለቅዱሳን ። ወኢነገረ ፡ ጎፍረት ፡ ወነገረ ፡ አበድ ፡ ወነገረ ፡ ስላ ፩ ፤
ቅ ፡ ዘኢይደሉ ፡ ዘእንበለ ፡ ዳእሙ ፡ አእኩቶ ። ወዘንተ ፡ አእምሩ ፡ ከመ ፡ ፮ ፤
ኩሉ ፡ ዘማዊ ፡ ወርኩስ ፡ ወመስተዐግል ፡ ወዘያጣዑ ፡ አልቦ ፡ መክፈልተ ፡
ውስተ ፡ መንግሥተ ፡ ክርስቶስ ፡ ዘእግዚአብሔር ። አልቦ ፡ ዘያስሕተክሙ ፡ ፮ ፤
በነገረ ፡ ከንቱ ፡ እስመ ፡ በእንቲአሁ ፡ ይመጽእ ፡ መዓተ ፡ እግዚአብሔር ፡
ላዕለ ፡ ውሉደ ፡ ዐላዊ ። ኢትተመሰልዎሙኬ ። እስመ ፡ ትካት ፡ ጽልመት ፡ ፮ ፤ ፮ ፤
አንትሙ ፡ ወይእዜሰ ፡ ብርሃን ፡ ኮንክሙ ፡ በእግዚእነ ። ከመ ፡ ውሉደ ፡ ብ
ርሃን ፡ ሑሩ ። እስመ ፡ ፍሬሁ ፡ ለብርሃን ፡ ኩሉ ፡ ምግባረ ፡ ሠናይ ፡ ወጽድ ፱ ፤
ቅ ፡ ወርትዕ ። ወእመክሩ ፡ ዘያሠምሮ ፡ ለእግዚአብሔር ። ወኢትጎበሩ ፡ ም ፲፫ ፤
ስለ ፡ እለ ፡ አልቦሙ ፡ ፍሬ ፡ ምግባርሙ ፡ ዘጽልመት ፡ ኩለንታሆሙ ፡ አ
ላ ፡ ገሥጽዎሙ ። እስመ ፡ ዘበጽሚት ፡ ይገብሩ ፡ ጎፍረተ ፡ ለነጊር ። ፲፪ ፤
ወዘሰ ፡ ክሡት ፡ ኩሉ ፡ ውስተ ፡ ብርሃን ፡ ይትዐወቅ ፡ እስመ ፡ ኩሉ ፡ ዘገሃ ፲፫ ፤
ድ ፡ ብርሃን ፡ ውእቱ ። እስመ ፡ ይቤ ፡ ንቃህ ፡ ዘትነውም ፡ ወተንሥእ ፡ እ ፲፬ ፤
ሙታን ፡ ወያበርሀ ፡ ለከ ፡ ክርስቶስ ። ዑቱ ፡ እንክ ፡ ዘከመ ፡ ተሐውሩ ፡ ከ ፲፭ ፤
መ ፡ ጠቢባን ፡ ወአኮ ፡ ከመ ፡ አብዳን ። እንዘ ፡ ታናሐስይዎ ፡ ለዝ ፡ ዓለም ። ፲፮ ፤
እስመ ፡ እኩይ ፡ መዋዕሊሁ ። በእንተ ፡ ዝንቱ ፡ ኢትኩኑ ፡ አብዳነ ። አላ ፡ ፲፯ ፤
ሐልዩ ፡ ፈቃደ ፡ እግዚአብሔር ። ወኢትስክሩ ፡ ወይነ ፡ እስመ ፡ ምርዓት ፡ ፲፰ ፤
ውእቱ ፡ አላ ፡ ምልኡ ፡ መንፈስ ፡ ቅዱስ ። ወአንብቡ ፡ መዝሙረ ፡ ወስብ ፲፱ ፤
ሐተ ፡ ወማኅሌተ ፡ ቅድሳት ፡ ሰብሑ ፡ ወዘምሩ ፡ ለእግዚአብሔር ፡ በልብ
ክሙ ። ወአእኩቱ ፡ ዘልፈ ፡ በእንተ ፡ ኩሉ ፡ በስመ ፡ እግዚእነ ፡ ኢየሱስ ፡ ፳ ፤
ክርስቶስ ፡ ለእግዚአብሔር ፡ አብ ። ክፍል ፡ ፬ ። አትሕቱ ፡ ርእስክሙ ፡ ለ ፳፩ ፤
ቢጽክሙ ፡ በፍርሀተ ፡ እግዚአብሔር ። ወአንስትኒ ፡ ይትአዘዘ ፡ ለአምታ ፳፪ ፤
ቲሆን ፡ ከመ ፡ ዘእግዚእነ ። እስመ ፡ ብእሲ ፡ ርእሳ ፡ ለብእሲት ፡ ከመ ፡ ክ ፳፫ ፤
ርስቶስ ፡ ርእሳ ፡ ለቤተ ፡ ክርስቲያን ፡ ወመድኅነ ፡ ሥጋ ። ወከመ ፡ ቤተ ፡ ክ ፳፬ ፤
ርስቲያን ፡ ትትኤዘዝ ፡ ለክርስቶስ ፡ ከማሁ ፡ አንስትኒ ፡ ይትአዘዘ ፡ ለአም
ታቲሆን ፡ በኩሉ ። ዕደውኒ ፡ ያፍቅሩ ፡ አንስቲያሆሙ ፡ ከመ ፡ ክርስቶስ ፡ ፳፭ ፤
አፍቀሬ ፡ ለቤተ ፡ ክርስቲያን ፡ ወመጠወ ፡ ርእሶ ፡ በእንቲአሃ ። ከመ ፡ ይቀ ፳፮ ፤
ድሳ ፡ ወያንጽሓ ፡ በጥምቀተ ፡ ማይ ፡ ወበቃሉ ። ወይረስያ ፡ ሎቱ ፡ ክብር ፳፯ ፤
ተ ፡ ለቤተ ፡ ክርስቲያን ፡ ከመ ፡ ኢይርከብ ፡ በላዕሌሃ ፡ ርስሐተ ፡ ወጥልቀ
ተ ። ዳእሙ ፡ ከመ ፡ ትኩን ፡ ንጽሕተ ፡ ወቅድስተ ። ከማሁ ፡ ዕደውኒ ፡ ያፍ ፳፰ ፤
ቅሩ ፡ አንስቲያሆሙ ፡ ከመ ፡ ነፍሶሙ ። ዘአፍቀረ ፡ ብእሲቶ ፡ ርእሶ ፡ አፍ
ቀረ ። ወአልቦ ፡ ዘይክል ፡ ጸሊኦ ፡ ሥጋሁ ፡ ግሙሬ ። ሴቡዩ ፡ ወተማኅዕት ፡ ፳፱ ፤
በከመ ፡ ክርስቶስ ፡ ለቤተ ፡ ክርስቲያን ። እስመ ፡ አባለ ፡ ሥጋሁ ፡ ንሕነ ። ፴ ፤

፱፮ ፣ ወበእንተ ፣ ብእሲቱ ፣ የኅድግ ፣ ብእሲ ፣ አባሁ ፣ ወእሞ ፣ ወይተልዋ ፣ ለብ
 ፱፯ ፣ እሲቱ ፣ ወይከውኑ ፣ ክልኤሆሙ ፣ አሐደ ፣ ሥጋ ፣ ፀቢይ ፣ ውኣቱ ፣ ዝነገ
 ፱፰ ፣ ር ፣ ወአንሰ ፣ እብሎ ፣ ላዕለ ፣ ክርስቶስ ፣ ወላዕለ ፣ ቤተ ፣ ክርስቲያኑ ። ወባ
 ሕቱ ፣ አንትሙኒ ፣ ኩልክሙ ፣ ከማሁ ፣ አንስቲያክሙ ፣ አፍቅሩ ፣ ከመ ፣ ነ
 ፍስክሙ ፣ ወብእሲትኒ ፣ ትፍርሆ ፣ ለምታ ።

ምዕራፍ ፣ ፮ ፣

፩ ፣ ውሉድኒ ፣ ተአዘዙ ፣ ለአዝማዲክሙ ፣ በእግዚእነ ፣ እስመ ፣ ጽድቅ ፣
 ፪ ፣ ውኣቱ ፣ ዝንቱ ። ወቀዳሚ ፣ ትአዛዝ ፣ በውስተ ፣ ሥርዓት ፣ አክብር ፣ አባ
 ፫ ፣ ከ ፣ ወእመከ ፣ ከመ ፣ ሠናዩ ፣ ይኩንከ ፣ ወይኑኅ ፣ መዋዕሊክ ፣ በዲባ ፣ ምድ
 ፬ ፣ ር ። አበውኒ ፣ ኢታስተቄጥዑ ፣ ውሉደክሙ ፣ አላ ፣ ሕፅኑ ፣ ወገሥጹ ፣ በት
 ፭ ፣ ምሀርተ ፣ እግዚአብሔር ፣ ነባሪኒ ፣ ተአዘዙ ፣ ለአጋእዝቲክሙ ፣ እለ ፣ ይኳ
 ፮ ፣ ንኑክሙ ፣ ሥጋክሙ ፣ በፍርሀት ፣ ወበረዓድ ፣ ወበልብ ፣ ስፉሕ ፣ ከመ ፣ ዘለ
 ፯ ፣ ክርስቶስ ፣ ወአኮ ፣ ከመ ፣ ዘያደሉ ፣ ለዐይነ ፣ ሰብእ ፣ አላ ፣ ከመ ፣ አግብር
 ፰ ፣ ተ ፣ ክርስቶስ ፣ እንዘ ፣ ትገብሩ ፣ ፈቃዶ ፣ ለእግዚአብሔር ፣ ወበኩሉ ፣ ነፍ
 ፱ ፣ ስክሙ ፣ ተቀነዩ ፣ ሎሙ ፣ በአፍቅሮ ፣ ከመ ፣ ዘለእግዚአብሔር ፣ ወአኮ ፣ ከ
 ፳ ፣ መ ፣ ዘለሰብእ ፣ እንዘ ፣ ታአምሩ ፣ ከመ ፣ ኩሉ ፣ ዘገብረ ፣ ሠናዩ ፣ ይትዐሰ
 ፳፩ ፣ ይ ፣ በኅበ ፣ እግዚአብሔር ፣ እመኒ ፣ ነባሪ ፣ ወእመኒ ፣ አግዳዚ ፣ ወአጋእዝ
 ፳፪ ፣ ትኒ ፣ ፅሩዩ ፣ ግበሩ ፣ ሎሙ ፣ እንዘ ፣ ታቁርሩ ፣ መዓተክሙ ፣ ወተኅድጉ ፣
 ፳፫ ፣ ሎሙ ፣ አበሳሆሙ ፣ ታአምሩ ፣ ከመ ፣ ብክሙ ፣ እግዚአ ፣ በሰማያት ፣ ዘኢ
 ፳፬ ፣ ያደሉ ፣ ለገጽ ፣ ክፍል ፣ ፮ ፣ እንከሰ ፣ ጽንዑ ፣ በእግዚአብሔር ፣ ወበጽን
 ፳፭ ፣ ዐ ፣ ኅይሉ ፣ ወልበሱ ፣ ወልታ ፣ እግዚአብሔር ፣ በዘትክሉ ፣ ተቃውሞቶ ፣
 ፳፮ ፣ ለመናግንተ ፣ ሰይጣን ፣ እስመ ፣ ቀትልክሙ ፣ ኢኮነ ፣ ምስለ ፣ ዘሥጋ ፣ ወ
 ፳፯ ፣ ደም ፣ ዘእንበለ ፣ ምስለ ፣ መኳንንተ ፣ ጽልመት ፣ ወአጋንንት ፣ እኩያን ፣ እ
 ፳፰ ፣ ለ ፣ መትሕተ ፣ ሰማይ ፣ ወበእንተዝ ፣ ንሥኡ ፣ ወልታ ፣ እግዚአብሔር ፣ ከ
 ፳፱ ፣ መ ፣ ትክሀሉ ፣ ተቃውሞታ ፣ ለዕለት ፣ እኪት ፣ ወኩኑ ፣ ድልዋነ ፣ በኩሉ ፣
 ፳፺ ፣ ከመ ፣ ትጽንዑ ፣ ቁሙ ፣ እንከ ፣ ቀኒተክሙ ፣ ሐቋክሙ ፣ በጽድቅ ፣ ወልበ
 ፳፻ ፣ ሱ ፣ ልብሰ ፣ ኅጺን ፣ ዘጽድቅ ፣ ተሥኢነክሙ ፣ ኅይለ ፣ ወንጌል ፣ ዘበሰላ
 ፳፻፩ ፣ ም ፣ ወምስለዝ ፣ ኩሉ ፣ ንሥኡ ፣ ንዋዩ ፣ ሐቅል ፣ ዘሃይማኖት ፣ በዘትክሉ ፣
 ፳፻፪ ፣ አጥፍኦተ ፣ ኩሉ ፣ አሕጻሁ ፣ ለእኩይ ፣ ርሱን ፣ ወንሥኡ ፣ ጌራ ፣ መድኅኒ
 ፳፻፫ ፣ ት ፣ ወሰይፈ ፣ ዘመንፈስ ፣ ቅዱስ ፣ ዘውኣቱ ፣ ቃለ ፣ እግዚአብሔር ፣ በኩ
 ሉ ፣ ጸሎት ፣ ወስእለት ፣ እንዘ ፣ ትጼልዩ ፣ በኩሉ ፣ ጊዜ ፣ በመንፈስ ፣ ወም

ስሌሁ : ትግሁ : ወተፀመዱ : በኩሉ : ጸሎት : በእንተ : ኩሎሙ : ቅዱሳ
 ን ። ወበእንቲአዩ : ከመ : የሀበኒ : ቃለ : ወይክሥት : አፋዩ : ከመ : እንግ 181
 ር : ገሃደ : ሕርመተ : ትምህርት ። ዘበእንቲአሁ : እተነብል : ሙቁሕዩ : ከ 81
 መ : እንግር : ገሃደ : በእንቲአሁ : በከመ : ይደሉ : እንግር ። ወከመ : ታእ 821
 ምሩ : አንትሙሂ : ዜናዩ : ዘከመ : እገብር : ኩሎ : ያጤይቀከሙ : ቲኪቆ
 ስ : እኑነ : ዘናፈቅር : ላእከ : እግዚአብሔር : ምእመን ። ዘፈኖኩ : ኅቤክ 831
 ሙ : በእንተዝ : ከመ : ታእምሩ : ዜናዩ : ወይትፈሣሕከሙ : ልብከሙ ።
 ሰላም : ለእኅዊነ : ወተፋቅሮ : ምስለ : ሃይማኖት : እምኅበ : እግዚአብሔ 841
 ር : አቡነ : ወእግዚእነ : ኢየሱስ : ክርስቶስ ። ወጸጋሁ : ምስለ : ኩሎሙ : 851
 እለ : ያፈቅርዎ : ለእግዚእነ : ኢየሱስ : ክርስቶስ : በኢጥፍአት ። አሜን ።

ተፈጸመት : መልእክት : ኅበ : ሰብአ : ኤፌሶን ። ተጽሕፈት : በሮሜ : ወ
 ተፈነወት : በእደ : ቲኪቆስ ።

መልእክተ ፡ ጳውሎስ ፡ ኅበ ፡ ሰብአ ፡ ፊልጵስዩስ ።

ምዕራፍ ፡ ፩ ፤ ክፍል ፡ ፩ ፤

፩ ፤ ጳውሎስ ፡ ወጢሞቴዎስ ፡ አግብርተ ፡ ኢየሱስ ፡ ክርስቶስ ፡ ለኩሉ ፡
 ቅዱሳን ፡ በኢየሱስ ፡ ክርስቶስ ፡ እለ ፡ ሀለጢ ፡ ፊልጵስዩስ ፡ ምስለ ፡ ቀሳው
 ፪ ፤ ስት ፡ ወዲያቆናት ። ሰላም ፡ ለክሙ ፡ ወጸጋ ፡ እግዚአብሔር ፡ አቡነ ፡ ወእ
 ፫ ፤ ግዚእነ ፡ ኢየሱስ ፡ ክርስቶስ ። አኣኩቶ ፡ ለአምላክዩ ፡ ዘልፈ ፡ በኩሉ ፡ ተ
 ፬ ፤ ዝክርክሙ ። ወእጼሊ ፡ በኩሉ ፡ ጊዜ ፡ በእንቲአክሙ ፡ ወእገብር ፡ ጸሎተ ፡
 ፭ ፤ ፍሥሐ ። በእንተ ፡ ተሳትፎትክሙ ፡ ኪያዩ ፡ በትምህርተ ፡ ወንጌል ፡ እመቀ
 ፮ ፤ ዳሚት ፡ ዕለት ፡ እስከ ፡ ይእዜ ። እስመ ፡ እትአመን ፡ ከመ ፡ ውእቱ ፡ ዘወ
 ፯ ፤ ጠነ ፡ ለክሙ ፡ ግብረ ፡ ሠናዩ ፡ ውእቱ ፡ ይፌጽሞ ፡ እስከ ፡ ዕለተ ፡ ኢየሱስ ፡
 ፰ ፤ ክርስቶስ ። እስመ ፡ ርቱፅ ፡ ሊተ ፡ ዘንተ ፡ አሐሊ ፡ በእንቲአክሙ ፡ እስመ ፡
 ፱ ፤ ሀሎክሙ ፡ ውስተ ፡ ልብዩ ፡ በመዋቅሕትዩ ፡ ወበቅሥትዩ ፡ ወበትምህርተ ፡
 ፲ ፤ ጽድቅ ፡ እስመ ፡ ኅበርክሙ ፡ ምስሌዩ ፡ በጸጋ ። እግዚአብሔር ፡ ሰማዕትዩ ፡
 ፲፩ ፤ ከመ ፡ አፈቅረክሙ ፡ በፍቅረ ፡ ክርስቶስ ። ወእጼሊ ፡ በእንተ ፡ ዝንቱ ፡ ከ
 ፲፪ ፤ መ ፡ ይብዛና ፡ ወይፈድፍድ ፡ ተፋቅሮትክሙ ፡ በአእምሮ ፡ ወበኩሉ ፡ ጥበ
 ፲፫ ፤ ብ ። ከመ ፡ ትፍትኑ ፡ ወታመክሩ ፡ ዘይኔይስ ፡ ግብረ ፡ ከመ ፡ ትኩኑ ፡ ቅዱ
 ፲፬ ፤ ሳነ ፡ ዘእንበለ ፡ ዕቅፍት ፡ በዕለተ ፡ ክርስቶስ ። እንዘ ፡ ምሉአን ፡ አንትሙ ፡
 ፲፭ ፤ ፍሬ ፡ ጽድቅ ፡ በኢየሱስ ፡ ክርስቶስ ፡ በስብሐተ ፡ እግዚአብሔር ፡ ወአኩ
 ፲፮ ፤ ቴቱ ። ክፍል ፡ ፪ ። እፈቅድ ፡ አኅዌነ ፡ ታእምሩ ፡ ዜናዩ ፡ ከመ ፡ ፈድፋድ ፡
 ፲፯ ፤ ተለዐለ ፡ ውስተ ፡ ትምህርተ ፡ ወንጌል ። ወተዐውቀ ፡ መዋቅሕትዩ ፡ በክር
 ፲፱ ፤ ስቶስ ፡ በኅበ ፡ ኩሉ ፡ ምኩናን ፡ ወበኅበ ፡ ኩሉ ፡ ሰብእ ። ወከመ ፡ ብዙኃ
 ፳ ፤ ን ፡ እምአኅዌነ ፡ ምእመናን ፡ በእግዚእነ ፡ ወተዐገሡ ፡ በመዋቅሕትዩ ፡ ወ
 ፳፩ ፤ ፈድፋድ ፡ ተኅበሉ ፡ ይንግሩ ፡ አጥቢዖሙ ፡ ቃለ ፡ እግዚአብሔር ፡ ዘእንበ
 ፳፪ ፤ ለ ፡ ፍርሀት ። ወበ ፡ እለ ፡ በቅንአቶሙ ፡ ወበተቃኅዎቶሙ ፡ ወበእለ ፡ ፈቀ
 ፳፫ ፤ ዱ ፡ ይስብኩ ፡ በፍቅር ፡ ሠናይ ፡ ወይምህሩ ፡ በእንተ ፡ ክርስቶስ ። ወበእለ ፡
 ፳፬ ፤ በአፍቅሮ ፡ እስመ ፡ ያአምሩ ፡ ከመ ፡ ለምህር ፡ ወንጌል ፡ ተሠዩምኩ ። ወእ
 ፳፭ ፤ ለሰ ፡ በትዝህርቶሙ ፡ ይነግሩ ፡ በእንተ ፡ ክርስቶስ ፡ ወአኮ ፡ በንጽሕ ። ዳእ
 ፳፮ ፤ ሙ ፡ ይትሐዘቡ ፡ ከመ ፡ ገቢሮሙ ፡ ኪያሁ ፡ ይወስኩ ፡ ሊተ ፡ ሕማመ ፡ በ

መዋቅሕትዩ ። ወበሕቱ ፡ በኩሉ ፡ ምክንያት ፡ ይነግሩ ፡ በእንተ ፡ ክርስቶስ ፡ ፲፮ ፡
 እመኒ ፡ በአድልዎ ፡ ወእመኒ ፡ በአማን ፡ ወተፈሣሕኩ ፡ በዝንቱ ፡ ወእትፈ
 ሣሕኒ ። ወአነ ፡ አአምር ፡ ከመ ፡ ዛቲ ፡ ግብር ፡ ታበጽሐኒ ፡ ኅበ ፡ ሕይወት ፡ ፲፱ ፡
 በጸሎትክመ ፡ ወበሀብተ ፡ መንፈሱ ፡ ለኢየሱስ ፡ ክርስቶስ ። በከመ ፡ ተሰ ፩ ፡
 ፈውኩ ፡ ወተወከልኩ ፡ ከመ ፡ ኢይትኅፈር ፡ ወኢበምንትኒ ፡ ዳእመ ፡ ገሃ ፪ ፡
 ደ ፡ በፍሥሐ ፡ መንፈስ ፡ ከመ ፡ ዘልፈ ፡ ወይእዜኒ ፡ ዕባዩ ፡ ለክርስቶስ ፡ በ ፫ ፡
 ሥጋዩ ፡ እመኒ ፡ በሕይወትዩ ፡ ወእመኒ ፡ በሞትዩ ። አንስ ፡ እመኒ ፡ ሐዩው ፳፮ ፡
 ኩ ፡ ለክርስቶስ ፡ ወእመኒ ፡ ሞትኩ ፡ ርቡሕ ፡ ሊተ ። ወለእመኒ ፡ ሐዩውኩ ፡ ፳፯ ፡
 በሥጋዩ ፡ ከመ ፡ እፍረይ ፡ በምግባርዩ ። ወኅግላኩ ፡ ዘአኅሪ ፡ ለነፍስዩ ፡ እ ፳፰ ፡
 ምእሉ ፡ ክልኤቱ ፡ ዘያጽሀቀኒ ፡ ፈቂዶቶመ ። እፈቱሰ ፡ እፍልስ ፡ ወአሀሉ ፡ ፳፱ ፡
 ኅበ ፡ ክርስቶስ ። ወፈድፋደ ፡ ይኄይስ ፡ ወይደሉ ፡ ሊተ ፡ ዝንቱ ። ከመ ፡ አ ፴፬ ፡
 ሀሉ ፡ ዓዲ ፡ በሕይወተ ፡ ሥጋዩ ፡ ርቱዕ ፡ በእንቲአክመ ። ወእትአመን ፡ አ ፴፮ ፡
 እሚርዩ ፡ ዘንተ ፡ ከመ ፡ እነብር ፡ ወእሂሉ ፡ ለተልዕሎ ፡ ዚአክመ ፡ ወለፍ ፴፯ ፡
 ሥሐ ፡ ሃይማኖትክመ ። ከመ ፡ ይዕባይ ፡ ክብርክመ ፡ በላዕሌዩ ፡ በኢየሱ ፳፰ ፡
 ስ ፡ ክርስቶስ ፡ በምጽአተ ፡ ዚአዩ ፡ ካዕበ ፡ ኅቤክመ ። ወበዘይደሉ ፡ ለትም ፳፯ ፡
 ሀርተ ፡ ክርስቶስ ፡ ይኩን ፡ ዳእመ ፡ ግብርክመ ፡ ወለእመ ፡ መጻእኩ ፡ ኅቤ ፴፱ ፡
 ክመ ፡ እሬኢ ፡ ዘንተ ። ወእመኒ ፡ እንዘ ፡ ኢሀሎኩ ፡ እሰምዕ ፡ በላዕሌክመ ፡
 ከመ ፡ ትቀውሙ ፡ በአሐዱ ፡ መንፈስ ፡ ወበአሐዱ ፡ ነፍስ ፡ ወእንዘ ፡ ትት ፵፬ ፡
 ጋደሉ ፡ በጻማ ፡ ሃይማኖተ ፡ ወንጌል ። ወእንዘ ፡ ኢያንቀለቅሉክመ ፡ በም ፵፮ ፡
 ንትኒ ፡ እለ ፡ ይትቃውሙኒ ፡ ከመ ፡ ይትሀወቅ ፡ ሕርትምናሆሙ ፡ ወለክመ ፵፯ ፡
 ሰ ፡ ሕይወት ። ወዘንተኒ ፡ እግዚአብሔር ፡ ጸገወክመ ፡ ወአከ ፡ ዳእመ ፡ ከ ፵፱ ፡
 መ ፡ ትእመኑ ፡ ቦቱ ፡ አላ ፡ ዓዲ ፡ ከመሂ ፡ ትሕመሙ ፡ በእንቲአሁ ። ወከማ ፶፩ ፡
 ሁ ፡ ከመ ፡ ተጋደሉ ፡ ዘከመ ፡ ርኢክመኒ ፡ ከያዩ ፡ ወይእዜኒ ፡ ትሰምዑ ፡
 በእንቲአዩ ።

ምዕራፍ : ፪ ፤

ወእምከመ ፡ ሀለወ ፡ ኅቤክመ ፡ ይእዜ ፡ ፍሥሐ ፡ በክርስቶስ ፡ አው ፡ ፩ ፡
 ዘይናዝዝ ፡ ልበ ፡ በተፋቅሮ ፡ አው ፡ ዘይሳተፍ ፡ በመንፈስ ፡ አው ፡ በምሐ ፪ ፡
 ር ፡ ወተሳህሎ ። ፈጽሙ ፡ ሊተ ፡ ፍሥሐዩ ፡ ከመ ፡ ከያሁ ፡ ከመ ፡ ተሐል ፫ ፡
 ዩ ፡ ወተሀልዉ ፡ በተፋቅሮ ፡ በአሐዱ ፡ ነፍስ ፡ ወበአሐዱ ፡ ምክር ። ወኢ ፬ ፡
 ትግበሩ ፡ በተቃኅዎ ፡ ወኢበአፍቅሮ ፡ ክብረ ፡ ከንቱ ። ኢትዘሀሩ ፡ ወኢት ፭ ፡
 ትዓባዩ ። አላ ፡ በትሑት ፡ ልብ ፡ አክብሩ ፡ በጸክመ ፡ እምርእስክመ ። ወ ፮ ፡
 ኢትጽሀቁ ፡ ለባሕቲትክመ ፡ ዘእንበለ ፡ ለቢጽክመ ። ኩልክመ ፡ ዘንተ ፡ ፯ ፡

፳፫ ሐልዩ ፡ ለነሂ ፡ ዘከመ ፡ ገብረ ፡ ለነ ፡ ኢየሱስ ፡ ክርስቶስ ። ዘው-እቱ ፡ ኦርኦ
 ፳፬ ያሁ ፡ ለእግዚአብሔር ፡ አኮ ፡ ሀይዶ ፡ ዘኮነ ፡ እግዚአብሔር ። አላ ፡ አትሒ
 ፳፭ ቶ ፡ ርእሶ ፡ ነሥአ ፡ ኦርኦያ ፡ ገብር ፡ ወተመሰለ ፡ ከመ ፡ ብእሲ ። ወኮነ ፡ ከ
 መ ፡ ሰብእ ፡ ወሰምዐ ፡ ወተአዘዘ ፡ እስከ ፡ በጽሐ ፡ ለሞት ፡ ወሞቱሂ ፡ ዘበመ
 ፳፮ ስቀል ። ወበእንተዝ ፡ አዕቢዮ ፡ እግዚአብሔር ፡ ጥቀ ፡ ወጸገዎ ፡ ስመ ፡ ዘዩ
 ፳፯ ዐቢ ፡ እምኩሉ ፡ ስም ። ከመ ፡ ለስሙ ፡ ለኢየሱስ ፡ ክርስቶስ ፡ ይሰግድ ፡
 ኩሉ ፡ ብርክ ፡ ዘበሰማያት ፡ ወዘበምድር ፡ ወበቀላያት ፡ ወእለ ፡ ታሕተ ፡ ም
 ፳፰ ድር ። ወኩሉ ፡ ልሳን ፡ ይግነይ ፡ ከመ ፡ ኢየሱስ ፡ ክርስቶስ ፡ ውእቱ ፡ እግ
 ፳፱ ዚእ ፡ በሰብሐተ ፡ እግዚአብሔር ፡ አብ ። ወይእዜኒ ፡ አኅውዩ ፡ በከመ ፡ ዘ
 ፴፩ ልፈ ፡ ትሰምዑኒ ፡ ወአኮ ፡ በሀልዎትዩ ፡ ዳእሙ ፡ ዓዲ ፡ ፈድፋድ ፡ እንዘ ፡ ኢ
 ፴፪ ሀሎኩ ፡ በፍርሀት ፡ ወበረዓድ ፡ ተገበሩ ፡ ለሕይወትክሙ ። ወእግዚአብሔ
 ፴፫ ር ፡ ውእቱ ፡ ዘይረድአክሙ ፡ ለፈቃዱ ፡ ወይፈጽም ፡ ለክሙ ፡ ሣሀሎ ። ወ
 ፴፬ ግበሩ ፡ ኩሎ ፡ ዘትገብሩ ፡ ዘእንበለ ፡ ነገርንር ፡ ወዘእንበለ ፡ ኑፋቄ ። ከመ ፡
 ትኩኑ ፡ ንጹሐነ ፡ ወዩሃነ ፡ ውሉደ ፡ እግዚአብሔር ፡ እንዘ ፡ አልብክሙ ፡
 ነውር ፡ በማእከለ ፡ ውሉደ ፡ ዐላውያን ፡ ወግፍቱአን ። ወታስተርእዩ ፡ ከ
 ፴፭ መ ፡ ብርሃናት ፡ ውስተ ፡ ዓለም ። እንዘ ፡ ትሜሀሩ ፡ ቃለ ፡ ሕይወት ፡ በዘእ
 ትሜካሕ ፡ አነ ፡ በዕለተ ፡ ክርስቶስ ። እስመ ፡ አኮ ፡ ለከንቱ ፡ ዘርጽኩ ፡ ወ
 ፴፮ አኮ ፡ ለከንቱ ፡ ዘጻመውኩ ። ወአወጽሕ ፡ በእንተ ፡ መሥዋዕተ ፡ አምልኮ ፡
 ፴፯ ለሃይማኖትክሙ ። ወናሁ ፡ እትፌሣሕ ፡ ወእትሐሠይ ፡ ለክሙ ። ወአንት
 ፴፰ ሙኒ ፡ ተፈሥሑ ፡ ወተሐሠዩ ፡ ሊተ ። ክፍል ፡ ፫ ። ወእትአመን ፡ በእግዚ
 እነ ፡ ኢየሱስ ፡ ክርስቶስ ፡ ከመ ፡ እፌንዎ ፡ ለክሙ ፡ ለጢሞቴዎስ ፡ ከመ ፡
 ፵፩ እትፌሣሕ ፡ አነሂ ፡ ሰሚዕዩ ፡ ዜናክሙ ። እስመ ፡ አልብዩ ፡ ዘከመ ፡ ግዕዝ
 ፵፪ ዩ ፡ ዘእንበሌሁ ፡ ዘይጸውር ፡ ትካዘክሙ ፡ በአእምሮ ። እስመ ፡ ኩሉ ፡ ትካ
 ፵፫ ዘ ፡ ርእሱ ፡ ይሔሊ ፡ ወአኮ ፡ ዘክርስቶስ ። ወታኦምርዎ ፡ ግዕዘ ፡ ለዝንቱ ፡
 ብእሲ ፡ ዘከመ ፡ ተቀንዩ ፡ ሊተ ፡ ከመ ፡ ወልድ ፡ ለወላዲሁ ፡ በትምህርተ ፡
 ፵፬ ወንጌል ። ኪያሁ ፡ እሴር ፡ እፈንዎ ፡ አእሚርዩ ፡ ዘከመ ፡ ሀሎኩ ፡ እፌንዎ ፡
 ፵፭ ሰቤሃ ። ወእትአመን ፡ በእግዚእነ ፡ ከመ ፡ አነሂ ፡ ፍጡነ ፡ እመጽእ ። ወይ
 ፵፮ እዜሰ ፡ ፈድፋድ ፡ ጽሀቁ ፡ በእንተ ፡ አፍሮዲጡ ፡ እኅነ ፡ ዘዩኅብር ፡ ግብረ ፡
 ምስሌዩ ፡ ወዓሊ ፡ ወለክሙሰ ፡ ሐዋርያክሙ ፡ ወላእክዩ ፡ ለትካዝዩ ፡ እፌን
 ፵፯ ም ፡ ኅቤክሙ ። እስመ ፡ ይጽሀቅ ፡ ይርኦይክሙ ። አእሚር ፡ ዘሰማዕክሙ ፡
 ፶፩ ከመ ፡ ደወዩ ። ወበጽሐ ፡ ለሞት ፡ ወባሕቱ ፡ እግዚአብሔር ፡ ምሕር ፡ ወአ
 ኮ ፡ ሎቱ ፡ ለባሕቲቱ ፡ ዓዲ ፡ ሊተኒ ፡ ከመ ፡ ትካዝ ፡ ዲበ ፡ ትካዝ ፡ ኢይት
 ፶፪ ወሰኩኒ ። ወፈነውካዎ ፡ ፍጡነ ፡ ከመ ፡ ትርኦይዎ ፡ ወትትፈሥሑ ፡ ወአነ

ሂ ፡ ከመ ፡ ኢይተክዝ ። ወተወከፍዎ ፡ በእግዚእነ ፡ በኩሉ ፡ ፍሥሐ ፡ ወአ ፡ ክብርዎሙ ፡ ለእለ ፡ ከመዝ ። እስመ ፡ በእንተ ፡ ግብረ ፡ እግዚአብሔር ፡ በ ፡ ጽሐ ፡ እስከ ፡ ለሞት ። ወመጠወ ፡ ነፍሶ ፡ ከመ ፡ ይፈጽም ፡ ዘአሕጸጽካሙ ፡ አንትሙ ፡ እመልእክተ ፡ ዚአየ ።

ምዕራፍ ፡ ፫ ፤ ክፍል ፡ ፬ ፤

ወይእዜኒ ፡ አኅውየ ፡ ተፈሥሐ ፡ በእግዚእነ ፡ ወዘሂ ፡ ዘእጽሕፍ ፡ ለ ክ ፡ ክሙ ፡ ኢይትሀከይ ፡ አንሰ ። እስመ ፡ ያጸንዐክሙ ። ተዓቀቡ ፡ አንትሙሂ ፡ ጸ ፡ ወዑቅዎሙ ፡ ለከለባት ፡ ወዑቅዎሙ ፡ ለገበርተ ፡ እኪት ፡ ወዑቅዎሙ ፡ ለ ፡ ምቱራን ፡ በግዝረት ። ግዙራንሰ ፡ ንሕነ ፡ እለ ፡ ንትለክክ ፡ ለእግዚአብሔ ፡ ፫ ፡ ር ፡ በመንፈስ ፡ ወናመልክ ፡ ወንትሚካሕ ፡ በኢየሱስ ፡ ክርስቶስ ። ወአኮ ፡ በሥጋነ ፡ ዘንትዌክል ፡ እንዘ ፡ ብየኒ ፡ ግዝረት ፡ እመሰ ፡ አነ ፡ እትዌክል ። ፫ ፡ ወእመሰቦ ፡ ዘይሔሊ ፡ ትውክልተ ፡ በሥጋሁ ፡ አነ ፡ እኄይስ ፡ በዝንቱ ። ግ ፡ ዙር ፡ ዘበሳምንት ። እምሕዝበ ፡ እስራኤል ፡ እምነገደ ፡ ብንያም ። ዕብራ ፡ ዊ ፡ ዘእምዕብራውያን ። ወበሕገ ፡ ኦሪት ፡ ፈሪሳዊ ። ወበቅንአት ፡ ሰደድ ፡ ፯ ፡ ኩ ፡ ቤተ ፡ ክርስቲያን ፡ በጽድቅ ፡ ኦሪት ፡ ንጹሐ ፡ ከዊንዩ ። ወባሕቱ ፡ ዝ ፡ ፯ ፡ ኩ ፡ ረባሕየ ፡ አብደርኩ ፡ አሕጉሎ ፡ በእንተ ፡ ክርስቶስ ። ወረሰይኩ ፡ ኩ ፡ ፩ ፡ ሎ ፡ ኅሳረ ፡ በእንተ ፡ ዕባየ ፡ ኅይለ ፡ አእምሮቱ ፡ ለኢየሱስ ፡ ክርስቶስ ፡ እግዚአየ ። ዘበእንቲአሁ ፡ ገደፍኩ ፡ ኩሎ ፡ ወረሰይክዎ ፡ ከመ ፡ እዳው ፡ ከ ፡ መ ፡ እርብሐ ፡ ለክርስቶስ ። ወእኩን ፡ ቦቱ ፡ እንዘ ፡ አልብየ ፡ ጽድቅ ፡ ኦሪ ፡ ዘ ፡ ት ፡ ዘእንበለ ፡ ጽድቅ ፡ ሃይማኖተ ፡ ክርስቶስ ፡ ዘእምኅበ ፡ እግዚአብሔር ። ከመ ፡ አአምሮ ፡ ለኢየሱስ ፡ ወለኅይለ ፡ ተንሥኦቱ ፡ ወእሳተፎ ፡ በሕግ ፡ ፯ ፡ ሙ ፡ ወእትሚሰሎ ፡ በሞቱ ። እመቦ ፡ ከመ ፡ አድምዖ ፡ አመ ፡ ይትነሥኡ ፡ ፲፮ ፡ ምውታን ። ወአኮሰ ፡ ዘወዳእኩ ፡ ወነሣእኩ ፡ ወሰለጥኩ ፡ ዘንተ ። ዳእሙ ፡ ፲፮ ፡ እዴግን ፡ ለእመ ፡ እረክብ ፡ ዘበእንቲአሁ ፡ ነሥኦኒ ፡ ኢየሱስ ፡ ክርስቶስ ። ኦ ፡ ፲፫ ፡ አኅውየ ፡ ሊተሰ ፡ ይመስለኒ ፡ ዓዲየ ፡ ኢነሣእኩ ። እስመ ፡ ዘድኅሬየ ፡ እረ ፡ ፲፬ ፡ ስዕ ፡ ወቅድሚየ ፡ እሚልዕ ፡ ወእዴግን ። ወአኅሥሥ ፡ ዕሢትየ ፡ ከመ ፡ ሰ ፡ ብአ ፡ ዐይን ፡ ለጽውዕ ፡ ዘእግዚአብሔር ፡ ኅበ ፡ ላዕሉ ፡ በኢየሱስ ፡ ክርስቶ ፡ ስ ። ኩልክሙ ፡ ፍጹማን ፡ ዘንተ ፡ ነሐልዩ ፡ ወእመኒቦ ፡ በዕደ ፡ ዘትሔልዩ ፡ ፲፮ ፡ ኪያሁኒ ፡ ይከሥት ፡ ለክሙ ፡ እግዚአብሔር ። ወባሕቱ ፡ ውስተ ፡ ዘበጻሕ ፡ ፲፯ ፡ ነ ፡ ግብር ፡ ናጥብዕ ፡ በአሐዱ ፡ ኅብረት ። ኪያየ ፡ ተመሰሉ ፡ አኅውየ ፡ ወ ፡ ፲፰ ፡ ተዓቀብዎሙ ፡ ለእለ ፡ ከመዝ ፡ የሐውሩ ፡ ዘአመ ፡ ትሬእዩነ ። እስመ ፡ ብ ፡ ፲፱ ፡

ዙጋን : እለ : የሐውሩ : ዘከመ : አብላክሙ : ዘልፈ : ወይእዜኒ : ገሃዶ : እ
 ፲፱ : ነግረክሙ : ከመ : እሙንቱ : ጸላእቱ : ለመስቀለ : ክርስቶስ :: እለ : ደኃሪ
 ቶሙ : ለሕርትምና : እለ : ከርሃሙ : ያመልኩ : ወክብሮሙ : ኅሳሮሙ :
 ፳ : እለ : ይሔልዩ : ዘውስተ : ምድር :: ወለነሰ : ዘውስተ : ሰማያት : ሀገርን ::
 መእምህየ : ንጸንሕ : ኪያሁ : መድኅኒን : ኢየሱስ : ክርስቶስ : እግዚእን ::
 ፳፮ : ዘይሔድስ : ሥጋን : ትሑተ : ወይሬስዮ : አምሳለ : ሥጋ : ስብሐቲሁ : በ
 ከመ : ረድኤተ : ኅይሉ : ዘቦቱ : ይገኒ : ሎቱ : ነሉ ::

ምዕራፍ : ፬ : ክፍል : ፭ ::

፩ : ወይእዜኒ : አኅዊን : ፍቁራን : ፍሥሐን : ወአክሊልን : ከመዝ : ቁ
 ፪ : ሙ : ወጽንዑ : በእግዚእን : አኅዊን :: ወአስተብቀዕክሙ : ኤዎድያን : ወ
 ፫ : ሲንጤኪን : ከመ : ተሐልዩ : ዘእግዚእን : በአሐዱ : ልብ :: ወአስተብቀዕ
 ክ : ለከሂ : እኑየ : ወመፃምርትየ : ከመ : ታርድኦን :: እስመ : ሰርሐ : ም
 ስሌየ : በትምህርተ : ወንጌል : ምስለ : ቀሌምንጦስ : ወነሎሙ : ቢጽን :
 እለ : አሐዱ : ግብሮሙ : እለ : ተጽሕፈ : አስማቲሆሙ : ውስተ : መጽሐ
 ፬ : ፈ : ሕይወት :: ክፍል : ፮ : ተፈሥሑ : በእግዚአብሔር : ዘልፈ : ወካዕብ :
 ፭ : እብላክሙ : ተፈሥሑ :: ወይትዐወቅ : ስላጤክሙ : በኅብ : ነሉ : ሰብእ ::
 ፮ : እግዚአብሔር : ቅሩብ :: ኢተሐልዩ : ወኢምንተኒ : ወባሕቱ : ጸልዩ : በ
 ነሉ : ጊዜ : ወሰአሉ : እንዘ : ታኣኑቱ : ክሥቱ : ስእለተክሙ : ኅብ : እ
 ፭ : ግዚአብሔር :: ወሰላመ : እግዚአብሔር : እንተ : ነሉ : ባቲ : ወትትሌዐ
 ል : እምነሉ : ልብ : ታጸንዖ : ለልብክሙ : ወለሕሊናክሙ : በኢየሱስ :
 ፭ : ክርስቶስ :: ወይእዜኒ : አኅዊን : ነሎ : ዘርትዕ : ወዘንጽሕ : ወዘጽድቅ : ወ
 ዘሠናይ : ወዘፍቅር : ወዘመድሐር : ወአስተርክቦ : ዘይደሉ : ወዘይትአኩ
 ፱ : ት :: ኪያሁ : ሐልዩ :: ዘተመሀርክሙ : ወዘተመጠወክሙ : ወዘሰማዕክ
 ሙ : ወዘርኢክሙ : በኅብየ : ኪያሁ : ግብሩ : ወአምላክ : ሰላም : የሀሉ :
 ፲ : ምስለ : ነሉክሙ :: ተፈሣሕኩ : በእግዚእን : ፈድፋደ : እስመ : ትሔልዩ :
 ወትጽህቁ : ለትካዝየ : እምቀዲሙ : በከመ : ትጽህቁ : ሊተ : ዓዲ : ወለእ
 ፲፮ : መ : ይሰአንክሙ :: ወአኮ : ዘእቤ : በእንተ : ዘኅግእኩ :: እስመ : አአም
 ፲፯ : ር : ከመ : የአክለኒ : ዘብየ :: ከሃሊ : አንሰ : ተጽናሰሂ : ወተደልምሂ : በነ
 ሉ : ውስተ : ነሉ : ለመድኩ : ርኅባሂ : ወጸጊባሂ : ሐሚመሂ : ወተፈሥ
 ፲፱ : ሐሂ :: ነሎ : እክል : በዘውእቱ : አክሀለኒ : ክርስቶስ :: ወባሕቱ : ሠናየ :
 ፲፱ : ገብርክሙ : ዘተሳተፍክሙ : በሕማምየ :: ታአምሩ : አንተሙ : ሰብአ : ፊ

ልጽስዩስ : በቀዳሚ : ትምህርት : አመ : መጻእኩ : እመቄዶንያ : ከመ : ኢ
 ኅብሩ : ምስሌዩ : አሐዳሂ : እምቤተ : ክርስቲያን : ኢበውሂብ : ወኢበነ
 ሢእ : ዘእንበለ : ዳእሙ : በሕቲትክሙ :: ዓዲ : በተሰሎንቄሂ : ምዕረ : ወ ፲፮ ፣
 ክፅበ : ፈኖክሙ : ሊተ : ለትካዝዩ :: አኮ : ሀብተክሙ : ፈቂድዩ : ዘእዜከ ፲፮ ፣
 ር : ዘንተ : ዳእሙ : አኅሥሥ : ከመ : ይስመር : በላዕሌክሙ : ፍሬ : ጽድ
 ቅ :: ወናሁ : ተወክፍኩ : ኩሎ :: አከለኒ : ወተረፈ :: ሰለጥኩ : በዘ : አብጽ ፲፮ ፣
 ሐ : ሊተ : አፍሮዲጡ : ዘእምኅዜክሙ : መፀዛ : ሠናዩ : ወመሥዋዕተ : ኅ
 ፋዩ : ወሥሙረ : በኅበ : እግዚአብሔር :: ወእምላክዩ : ይፈጽም : ለክሙ : ፲፱ ፣
 ኩሎ : መፍቅደክሙ : በከመ : ብዕለ : ስብሐቲሁ : ለኢየሱስ : ክርስቶስ :
 ወእግዚአብሔር : አቡነ : ዘሎቱ : ስብሐት : ለዓለመ : ዓለም : አሜን :: አ ፳ ፣
 ምኅ : ኩሎ : ቅዱሳን : በኢየሱስ : ክርስቶስ :: አምኑክሙ : አኅዊን : እ ፳፩ ፣
 ለ : ኅዜዩ :: ወደኤምኑክሙ : ኩሎሙ : ቅዱሳን : ወፈድፋደሰ : እለ : እ ፳፪ ፣
 ምሰብአ : ቤቱ : ለቂሳር :: ጸጋሁ : ለእግዚእነ : ኢየሱስ : ክርስቶስ : ምስ ፳፫ ፣
 ለ : መንፈስክሙ : አሜን ::

ተፈጸመት : መልአክት : ኅበ : ሰብአ : ፊልጽስዩስ : ወተጽሕፈት : በሮሜ :
 ወተፈነወት : ምስለ : ጢሞቴዎስ : ወአፍሮዲጡ :: ።

መልእክተ ፡ ጳውሎስ ፡ ኅበ ፡ ሰብአ ፡ ቁላስይስ ።

ምዕራፍ ፡ ፩ ፤ ክፍል ፡ ፩ ፤

፩ ፡ ጳውሎስ ፡ ሐዋርያሁ ፡ ለኢየሱስ ፡ ክርስቶስ ፡ በፈቃድ ፡ እግዚአብሔር ፡
 ፪ ፡ ሮ ፡ ወጢሞቴዎስ ፡ እኑነ ፡ ለቅዱሳን ፡ አለ ፡ ውስተ ፡ ቁላስይስ ፡ ወምእመ
 ፫ ፡ ናን ፡ አኅዌነ ፡ በክርስቶስ ፡ ሰላም ፡ ለክሙ ፡ ወጸጋ ፡ እግዚአብሔር ፡ አቡ
 ፬ ፡ ነ ፡ ወእግዚእነ ፡ ኢየሱስ ፡ ክርስቶስ ፡ ናአኩቶ ፡ ለእግዚአብሔር ፡ አቡሁ ፡
 ፭ ፡ ለእግዚእነ ፡ ኢየሱስ ፡ ክርስቶስ ፡ ዘልፈ ፡ በእንቲአክሙ ፡ ወንጹሊ ፡ እም
 ፮ ፡ አመ ፡ ሰማዕነ ፡ ሃይማኖተክሙ ፡ በኢየሱስ ፡ ክርስቶስ ፡ ወዘከመ ፡ ታፈቅር
 ፯ ፡ ዎሙ ፡ ለኩሎሙ ፡ ቅዱሳን ። በእንተ ፡ ተስፋክሙ ፡ ዘሥዩም ፡ ለክሙ ፡ በ
 ፲ ፡ ሰማያት ፡ ዘአቅደምክሙ ፡ ሰሚዐ ፡ ቃለ ፡ ጽድቅ ፡ ትምህርተ ፡ ወንጌል ።
 ፲፩ ፡ ዘበጽሐ ፡ ኅቤክሙ ፡ ከመ ፡ በኩሉ ፡ ዓለም ፡ ወይፈሪ ፡ ወይሰምር ፡ በላዕሌ
 ፲፪ ፡ ክሙ ፡ እምአመ ፡ ሰማዕክሙ ፡ ወርኢክሙ ፡ ጸጋ ፡ እግዚአብሔር ፡ በጽድ
 ፲፫ ፡ ቅ ። ዘተመሀርክሙ ፡ በኅበ ፡ ኤጲፍራ ፡ እኑነ ፡ ላእከ ፡ ዚአነ ፡ ምእመን ፡ በ
 ፲፬ ፡ ክርስቶስ ፡ ዘይትለአክ ፡ በእንቲአክሙ ። ወውእቱ ፡ ነገረነ ፡ ተፋቅሮተክ
 ፲፭ ፡ ሙ ፡ በመንፈስ ። ወበእንተዝ ፡ ንሕነሂ ፡ እምአመ ፡ ሰማዕነ ፡ ኢኅዳግነ ፡
 ፲፮ ፡ ጸልዮ ፡ በእንቲአክሙ ፡ ወስኢለ ፡ ከመ ፡ ትፈጽሙ ፡ አእምሮ ፡ ፈቃዱ ፡ ለ
 ፲፯ ፡ እግዚአብሔር ፡ በኩሉ ፡ ጥበብ ፡ ወበኩሉ ፡ ምክረ ፡ መንፈስ ። ከመ ፡ ትሑ
 ፲፰ ፡ ፍ ፡ በዘይደልወክሙ ፡ በኅበ ፡ እግዚአብሔር ። ወበኩሉ ፡ ታድልዉ ፡ ሎ
 ፲፱ ፡ ቱ ፡ በኩሉ ፡ ምግባረ ፡ ሠናይ ፡ እንዘ ፡ ትፈርዩ ፡ ወትሰምሩ ፡ በአእምሮ ፡
 ፳ ፡ እግዚአብሔር ። ወእንዘ ፡ ትጸንዑ ፡ በኩሉ ፡ ኅይል ፡ በጽንዑ ፡ ስብሐቲሁ ፡
 ፳፩ ፡ በኩሉ ፡ ትዕግሥት ፡ ወተስፋ ፡ ወበፍሥሐ ። አእኩትዎ ፡ ለእግዚአብሔር ፡
 ፳፪ ፡ አብ ፡ ዘረሰዩነ ፡ ድልዋነ ፡ ለመክፈልተ ፡ ርስቶሙ ፡ ለቅዱሳን ፡ በብርሃን ።
 ፳፫ ፡ ወአድኅነነ ፡ እምኩነቴ ፡ ጽልመት ፡ ወአግብአነ ፡ ውስተ ፡ መንግሥተ ፡ ወ
 ፳፬ ፡ ልዱ ፡ ፍቅሩ ። ዘቦቱ ፡ ረከብነ ፡ መድኅኒተነ ፡ ወተኅድገ ፡ ለነ ፡ ኃጢአት
 ፳፭ ፡ ነ ። ዘውእቱ ፡ አምሳሊሁ ፡ ለእግዚአብሔር ፡ ዘኢያስተርኢ ፡ በኩሩ ፡ ዘላዕ
 ፳፮ ፡ ለ ፡ ኩሉ ፡ ተግባሩ ። እስመ ፡ ቦቱ ፡ ኩሎ ፡ ፈጠረ ፡ ዘበሰማይኒ ፡ ወዘበምድ
 ፳፯ ፡ ርኒ ፡ ዘያስተርኢ ፡ ወዘኢያስተርኢ ፡ እመኒ ፡ መናብርት ፡ ወእመኒ ፡ አጋእ
 ፳፰ ፡ ዝት ፡ ወእመኒ ፡ መኳንንት ፡ ወእመኒ ፡ ቀደምት ፡ ኩሉ ፡ ኮነ ፡ በእዴሁ ፡ ወ

ነጉሉ : ሎቱ : ተፈጥረ ። ወውእቱ : ሀልው : እምቅድመ : ነጉሉ : ወነጉሉ : ፲፯ ፤
 ቦቱ : ቆመ ። ወውእቱ : ርእሳ : ለቤተ : ክርስቲያን : እስመ : ወ-እቱ : በነጉ
 ር : ቀደመ : እምነጉሎሙ : ምውታን : ተንሥኦ : ከመ : ይኩን : ወ-እቱ :
 ርእሰ : ለነጉሉ ። እስመ : ሠምረ : ቦቱ : ፍጹመ : ነጉሉ : ይኅድር : ላዕሌሁ : ፲፱ ፤
 ወቦቱ : ይሣሀሎ : ለነጉሉ ። ወገብረ : ሰላመ : በደመ : መስቀሉ : ለዘበም ፳ ፤
 ድር : ወለዘበሰማያት ። ወአንትሙሂ : ትካት : ፀሩ : ወነኪሩ : በልብክሙ : ፳፩ ፤
 ወበእከየ : ምግባሪክሙ ። ወይእዜሰ : ተሣሀለክሙ : በነፍስተ : ሥጋሁ : ፳፮ ፤
 ወበሞቱ : ከመ : ይረሲክሙ : ቅዱሳን : ወንጹሓን : ወኅሩያን : ለቅድሜሁ ።
 ለእመ : ጸናዕክሙ : እንከ : በሃይማኖት : እንዘ : ታጠብዑ : ወኢያንቀለቅ ፳፫ ፤
 ል : ድደ : መሰረትክሙ : እምተስፋ : ትምህርተ : ወንጌል : ዘሰማዕክሙ :
 ዘተሰብከ : በነጉሉ : ዓለም : ዘመትሕተ : ሰማይ ። ዘሎቱ : ተሠየምኩ : አ
 ነ : ጳውሎስ : ዐዋዲ : ወላእክሂ ። ወይእዜኒ : እትፌሣሕ : በሕማምየ : ወ ፳፬ ፤
 እፌጽም : ሕጻጸ : ሕማሙ : ለክርስቶስ : በሥጋየ : በእንተ : ሥጋሁ : እን
 ተ : ይእቲ : ቤተ : ክርስቲያኑ ። እንተ : ላቲ : ተሠየምኩ : አነ : ላእከ : በ ፳፭ ፤
 ሥርዐተ : እግዚአብሔር : ዘወሀበኒ : በእንቲአክሙ : ከመ : አፈጽም : ቃ
 ለ : እግዚአብሔር ። ወምክሮ : ዘኅቡእ : እምቅድመ : ዓለም : ወዘእንበለ : ፳፮ ፤
 ይትፈጠር : ሰብእ ። ወይእዜሰ : አስተርአዮሙ : ለቅዱሳኑ ። ለእለ : ፈቀ
 ደ : እግዚአብሔር : ይክሥት : ሎሙ : ብዕለ : ስብሐቲሁ : ለዝንቱ : ምክ
 ሩ : በላዕለ : አሕዛብ ። እስመ : ወ-እቱ : ክርስቶስ : ዘላዕሌክሙ : ተስፋ :
 ስብሐቲኒ ። ዘንሜህር : ንሕነ : ወንጌውዕ : ኅቤሁ : ወንጌሥጽ : ነጉሎ : ሰ ፳፯ ፤
 ብአ : ወንነግር : ግብሮ : በነጉሉ : ጥበብ : ከመ : ናቅሞ : ለነጉሉ : ሰብእ : ፍ
 ጹመ : በኢየሱስ : ክርስቶስ ። ወበእንቲአሁ : አሰርሕ : ወእትጋደል : በከ ፳፱ ፤
 መ : ረድኡቱ : ዘይረድኦኒ : በኅይሉ ።

ምዕራፍ : ፪

ወአፈቅድ : ታእምሩ : መጠነ : እትጋደል : በእንቲአክሙ : ወበእን ፩ ፤
 ተ : እለ : በሎዲቅያ : ወበእንተ : ነጉሎሙ : እለ : ኢርአዩኒ : ገጽየ : በሥ
 ጋየ ። ከመ : ይትፈሥሐሙ : ልቦሙ : ወይጽናዕ : ትምህርቶሙ : በተፋቅ ፯ ፤
 ሮ : ወበነጉሉ : ብዕለ : ፍጻሜ : በጥበብ : ወበሃይማኖት ። ወበአእምሮ : ም
 ክሩ : ለእግዚአብሔር : ዘበእንተ : ክርስቶስ ። ዘኅቤሁ : ሀሎ : ነጉሉ : መ ፫ ፤
 ዝገበ : ጥበብ : ወምክር : ኅቡእ ። ወዘኒ : እብለክሙ : ከመ : አልቦ : ዘያስ ፬ ፤
 ሕትክሙ : በኒጣነ : ነገር ። አንሰ : ለእመ : ኢሀሎኩ : በሥጋየ : ኅቤክ ፭ ፤

ሙ : በመንፈስየ : ምስሌክሙ : አነ : ወእትፊራሣት : በዘእሬአ : ግዕዘክ
 ሙ : ወሥርዐተክሙ : ወጽንዐ : ሃይማኖትክሙ : ዘበክርስቶስ :: ክፍል : ፪ ::
 ጸ : ፮ : ወበከመ : ተወከፍክምም : ለክርስቶስ : እግዚእነ : ቦቱ : ሑሩ :: ወተሳረሩ :
 ወተሐነጹ : ቦቱ :: ወጽንዐ : በሃይማኖት : ዘተመሀርክሙ : ከመ : ትብዝ
 ፩ : ጉ : በእኩቴቱ :: ዑቁ : ኢይኒጡክሙ : በጥበበ : ነገር : ዘይዩውሁ : ለከ
 ንቱ :: በሥርዐተ : ትምህርተ : ሰብእ : ለስሒተ : ዝንቱ : ዓለም :: ወአኮ :
 ፱ : በሕገ : ክርስቶስ :: ዘላዕሌሁ : ጎደረ : ፍጹም : መለኮቱ : በሥጋ : ሰብእ ::
 ፲ : ወአንትሙሂ : ኩኑ : ፍጹማነ : ቦቱ : እስመ : ውእቱ : ርእሱ : ለኩሉ : መ
 ፲፩ : ኩንን : ወለኩሉ : መንግሥት :: ዘቦቱ : ተገዘርክሙ : ግዝረቱ : ዘኢኮነ :
 ግብረ : እደ : ሰብእ : በስልበተ : ሥጋ : ነፍስተ : ኃጢአት : በግዝረተ : ክ
 ፲፪ : ርስቶስ :: ወተቀበርክሙ : ምስሌሁ : በጥምቀት :: ወባቲ : ተንሣእክሙ :
 ምስሌሁ : በሃይማኖት : በረድኤተ : እግዚአብሔር : ዘአንሥኦ : እሙታ
 ፲፫ : ን :: ወአንትሙሂ : እለ : ነበርክሙ : ምውታነ : በኃጢአትክሙ : ወበቀ
 ልፈተ : ነፍስትክሙ : አሕዩወክሙ : ምስሌሁ : ወጸገወክሙ : ኩሎ : ኃ
 ፲፬ : ጢአተክሙ :: ወደምሰሰ : ለነ : መጽሐፈ : ዕዳነ : በሥርዓቱ : እምዕድው
 ፲፭ : ነ : ወአእተቶ : እምነ : ማእከሌነ : ወቀነዎ : በመስቀሉ :: ወበሰሊቦቱ : አ
 ስተጎፈሮሙ : ለቀደምት : ወለመኳንንት :: ወአስተጎፈሮሙ : በተከሥ
 ፲፮ : ቶ : ሀላዊሁ :: ዑቁ : እንክ : አልቦ : ዘይግእዝክሙ : ኢበመብልዕ : ወኢ
 ፲፯ : በመስቲ : ወኢበመክፈልተ : በዓላት : ወኢበአሥጎርት : ወኢበሰናብት :: እ
 ፲፰ : ስመ : ዝንቱ : ውእቱ : ጽላሎተ : ዘሀለዎ : ይምጸእ :: ወአልቦ : ዘዖስተኦ
 ብድክሙ : በእንተ : ሥጋሁ : ለክርስቶስ : ፈቂዶ : በተዩውሆ : ወበተናሕ
 ስዮ : ርእስ : ከመ : ትትኦዘዙ : ለሕርመተ : መላእክት : በዘኢርእየ : ወይ
 ፲፱ : ትሜክሕ : በከንቱ : በምክረ : ሥጋሁ :: ወኢያጸንዕ : በርእስ : ዘቦቱ : ዩጎ
 ድር : ኩሉ : ሥጋ : ወይትዋደድ : በአሥራው : ወመሌሊት : ወይልህቅ :
 ፳ : ወይጸንዕ : ወይባዝጎ : ወይመልእ : በእግዚአብሔር :: ወእመ : ሞትክሙ :
 ምስለ : ክርስቶስ : እምንብረተ : ዝዓለም : በእፎ : ካዕበ : ከመ : ዘሕያዎ
 ፳፩ : ን : ውስተ : ዓለም : ትገብሩ :: ወይቤሉክሙ : ኢትግስስ : ወኢትልክፍ :
 ፳፪ : ወኢትጥዐም : ዘንተ :: እስመ : ዝንቱ : ኩሉ : ለሙስና : በከመ : ትእዛዘ :
 ፳፫ : ሰብእ :: ዘይመስልዎ : ጥበበ : በእንተ : ትሕትና : ልብ : ወፍርሀተ : እግ
 ዚአብሔር :: ወኢምሒከ : ሥጋ : አልቦቱ : ክብር : ምንተኒ :: አላ : ውእ
 ቱ : ዘመልዕልተ : ሥጋ ::

ምዕራፍ : ፫

ወእመሰ : ተንሣኦክሙ : ምስለ : ክርስቶስ : ዘላዕሉ : ኅሡ : ኅበ : ሀ ፮ ፤
 ሎ : ክርስቶስ : በየማነ : እግዚአብሔር : ይነብር ። ዘላዕሉ : ሐልዩ : ወአ ፯ ፤
 ክ : ዘበምድር ። እስመ : ወዳእክሙ : ሞትክሙ : ወኅብእት : ሕይወትክ ፫ ፤
 ሙ : ምስለ : ክርስቶስ : በኅበ : እግዚአብሔር ። ወአመ : ይመጽእ : ክርስ ፬ ፤
 ቶስ : ይትዐወቅ : ሕይወትክሙ : ይእተ : አሚረ : ታስተርእዩ : ምስሌሁ :
 በስብሓት ። አሙትዎ : ለነፍስትክሙ : ዘዲበ : ምድር : እምዝሙት : ወር ፭ ፤
 ኩስ : ወመንሱት : ወፍትወት : እኪት : ወትዕግልት : ዘውእቱ : አምልኮ :
 ጣዖት ። ዘበእንቲአሁ : ይመጽእ : መቅሠፍተ : እግዚአብሔር : ላዕለ : ው ፮ ፤
 ሉደ : ዐላውያን ። ዘቦቱ : ሐርክሙ : አንትሙሂ : ትካት : አመ : ሐየውካ ፯ ፤
 ሙ : በዝንቱ : ግብር ። ወይእዜሰ : ኅድግዎ : ለመዓት : ወለቀጥዓ : ወለ ፰ ፤
 እክይ : ወለፅርፈት : ወነገረ : ኅፍረት ። ኢይግእ : እምአፉክሙ ። ወኢተ ፱ ፤
 ሐስዉ : በጸክሙ : ዳእሙ : ኅድግዎ : ለብሉይ : ብእሲ : ምስለ : ምግባ ፲ ፤
 ፋ ። ወልበስዎ : ለሐዲስ : ብእሲ : ዘይኔይስ : በአእምሮ : አምሳለ : ፈጣ ፲ ፤
 ሪሁ ። ዘአልቦ : በኅቤሁ : አይሁዳዊ : ወኢአረማዊ : ኢግዙር : ወኢቄላ ፲፩ ፤
 ፍ : ሐቃል : ወሀገሪት : ኢነባሪ : ወአግዓዚ : ዘእንበለ : በኩሉ : ወኅበ :
 ኩሉ : ክርስቶስ ። ልበስዎ : እንክ : ክመ : ኅድያነ : እግዚአብሔር : ቅዱሳ ፲፪ ፤
 ን : ወፍቁራን : በምሕረት : ወበሣህል : ወበኅሩት : ወትሑት : ልብ : በየ ፲፫ ፤
 ውሀት : ወበትዕግሥት ። ጸርዎሙ : ለቢጽክሙ : ወተጻገዉ : በበይናቲክ ፲፬ ፤
 ሙ ። ኅድግ : ለቢጽክሙ : ዘተሓየስክምዎሙ : ክመ : ክርስቶስ : ጸገወክ ፲፭ ፤
 ሙ : ከማሁ : አንትሙሂ : ግበሩ ። ወምስለ : ዝንቱ : ኩሉ : ተፋቀሩ : እ ፲፬ ፤
 ስመ : ማእሠረ : ተፍጻሚቱ : ውእቱ ። ወሰላሙ : ለክርስቶስ : ይጽናዕ : በ ፲፮ ፤
 ልብክሙ : ዘሎቱ : ተጸዋዕክሙ : በአሐዱ : ሥጋ ። ወሀልዉ : በአኩቴ ፲፯ ፤
 ተ : ክርስቶስ ። ወአንብቡ : መዝሙረ : ወስብሐተ : ወማኅሌተ : ቅድሳት :
 ወቃለ : እግዚአብሔር : ይጽናዕ : ኅቤክሙ ። ትብባሉ : በኩሉ : ጥበብ ።
 ወመሀሩ : ነፍሰክሙ : ወገሥጹ : በመንፈስ : ዘምሩ : ለእግዚአብሔር : በ ፲፰ ፤
 ልብክሙ ። ወኩሎ : ዘገበርክሙ : በስመ : እግዚእነ : ኢየሱስ : ክርስቶስ : ፲፱ ፤
 አእኩትዎ : ለእግዚአብሔር : አብ : በእንቲአሁ ። ክፍል : ፫ ። ወአንስት ፳ ፤
 ኒ : ተአዘዘ : ለአምታቲክን : ክመ : ዘለእግዚአብሔር ። ዕድውኒ : አፍቅሩ : ፳፱ ፤
 አንስቲያክሙ : ወኢትግአዝዎን ። ውሉድኒ : ተአዘዙ : ለአዝማዲክሙ : ፳ ፤
 በኩሉ : እስመ : ከማሁ : ርቱዕ : ወይሠምር : እግዚአብሔር ። አበውኒ : ፳፩ ፤
 ኢታስተቄጥዑ : ውሉድክሙ : ክመ : ኢይሕዝኑ ። ነባሪኒ : ተአዘዙ : ለአ ፳፪ ፤

ጋእዝቲክሙ : በስፉሕ : ልብ : ወአኮ : በአድልዎ : ለገጸ : ሰብአ : አላ : በ
፳፱ : ፍርሃተ : እግዚአብሔር :: ታአምሩ : ከመ : እምኅበ : እግዚአብሔር : ት
ትዐሰዩ : እስመ : ለክርስቶስ : ትትቀንዩ :: ወዘሰ : ዐመፀ : ይረከብ : ፍዳ
፳፻ : ሁ :: ወኢያደሉ : ሎቱ ::

ምዕራፍ : ፬ ፤

፩ : አጋእዝትኒ : ዕሩዩ : ግበሩ : ለነበሪክሙ : ወፍትሑ : ጽድቀ : ታአም
፪ : ሩ : ከመ : ብክሙ : እግዚአ : በሰማያት :: ወተፀመዱ : ለጸሎት : እንዘ :
፫ : ትቴክዙ : በአኩቴት :: ጸልዩ : ወሰአሉ : ለነሂ : ከመ : ያርኅ : እግዚአብ
ሔር : አናቅጸ : ቃል : ከመ : ንንግር : ምክረ : ዘእምኅበ : እግዚአብሔር :
፬ : ዘበእንቲአሁ : ተሞቃሕኩ :: ከመ : እክሥቶ : በከመ : ይደልወኒ : እንግ
፭ : ጻ። ር :: ሑሩ : በልቡና : በኅበ : በዕዳን : እምሃይማኖት :: ወይኩን : ነገርክ
ሙ : በጸጋ : ወቅሱመ : በጼው : ከመ : ታአምሩ : ዘትትዋሥኡ : ለለአሐ
፮ : ዱ : አሐዱ :: ወኩሎ : ዜናዩ : ይዜንወክሙ : ቲኪቆስ : እኅነ : ምእመን :
፯ : ዘነኅብር : ተቀንዮ :: ዘውእቱ : እኅክሙ : በእግዚአብሔር :: ዘፈነውክ
ዎ : ኅቤክሙ : በእንተ : ዝንቱ : ግብር : ከመ : ታአምሩ : ዜናዩ : ወያስተ
፱ : ፈሥሕክሙ : ልበክሙ :: ምስለ : አናሲሞስ : እኅነ : ምእመን : ዘናፈቅ
ር : ዘውእቱ : ብእሲ : እምኔክሙ :: ወእሙንቱ : ያጤይቁክሙ : ግብረነ :
፲ : ወዘሀሎን : ቦቱ :: አምኅክሙ : አርስጠርኮስ : ዘተዳወወ : ምስሌዩ : ወማ
ርቆስ : ወልደ : እኅወ : አቡሁ : ለበርናባስ : ዘበእንቲአሁ : አዘዝኩክሙ ::
፲፩ : ከመ : አመ : መጽአ : ኅቤክሙ : ትትወከፍዎ :: ወኢዩሱ : ዘተሰምዩ : ኢ
ዩስጦስ : እለ : እምሰብአ : ግዝረት :: ወእሉ : ዳእሙ : ረድኤትዩ : በግብ
፲፪ : ረ : መንግሥተ : እግዚአብሔር : ወአስተፍሥሑኒ :: አምኅክሙ : ኤጲፍ
ራስ : ዘእምኅቤክሙ : ውእቱ : ገብረ : ክርስቶስ : ወዘልፈ : ይጼሊ : በእን
ቲአክሙ : ወይስእል : ከመ : ትኩኑ : ፍጹማነ : ወምሉኣነ : በኩሉ : ሥም
፲፫ : ረተ : እግዚአብሔር :: ወአነ : ሰማዕቱ : ከመ : ፈድፋድ : ያፈቅረክሙ : ወ
፲፬ : ይቴክዝ : በእንቲአክሙ : ወለእለ : ሎዲቅያ : ወሀገረ : ኢያራ :: አምኅክ
፲፭ : ሙ : ሉቃስ : ዐቃቤ : ሥራይ : ፍቁርነ : ወዴማስ :: አምኅዎሙ : ለአኅ
ዊነ : እለ : በሎዲቅያ : ወንምፋን : ወእለ : ሀለዉ : ቤተ : ክርስቲያን ::
፲፮ : ወአንቢበክሙ : ዘንተ : መጽሐፈ : ፈንውዎ : ሎዲቅያ : ያንብብዋ : በ
ቤተ : ክርስቲያን :: ወካዕበ : አንብብዋ : አንትሙ : ለመልእክት : እን
፲፯ : ተ : ጸሐፍኩ : እምሎዲቅያ :: ወበልዎ : ለአክርጳ : ዑቅአ : መልእክተ

ከ : ዘተሠየምከ : እምነበ : እግዚአብሔር : ከመ : ትፈጽማ :: ወአማኅኩ ፤
ክመ : ጽሑፍየ : በእደየ : አነ : ጳውሎስ :: ተዘክሩ : መዋቅሕትየ :: ጸጋ :
ምስሌክመ : አሜን ::

ተፈጸመ : መልእክት : ኅበ : ሰብአ : ቁላስይስ : ወተጽሕፈ : በሮሜ : ወ
ተፈነወ : በእደ : ቲኪቆስ :: ::